

Ikuó nìùbè tōmmú pátíri **Di mpátíri tɔ̀ t̀i náàntì**

Dináànkée ketirì ikuó nìùbè pátíri miéke ti náá nKuyie ndo òó yúmè mme Mòyiisi metaummè tou miéke ké nhò nàánnè. De kó dipátíri dimou miéke ti yóó yàmu Kuyie nnàkémè Mòyiisi ku kuó nè ku tannò péu Isidayeeribe kpéí. Nè kù bè dǔnnè mè dinùù ke tú kè wèè tũ nku tannò ke dǔri yè yèmmè dèè yó nte kè wè nfòù (18:5, de kó tináànti bomu Odommu mukàmmù 10:5). Kuyie nné nàké mu Isidayeeribe ke bè wénkùnnè bè bo deite mēè botí yedúintàrè yèè yó mbè diítí bembè nè ku be kó metaummè nè bè dò nkéndòmmè, kè metaummè tou menke ntú metaummè tou. Bèè feu iwũs Kuyie nkè bè ntũ nyikuó duó ke dòmmè kè ikuó nìùbè ndake de kó mutōmmú kpéí, ké ntú benitibè. Bá wèè niti Isidayeeribe miéke kè wèè yenténè omáà medǔrìmmè yeime kù yetemè ke bá ncaàri ikuó nè be kó medǔrìmmè miéke. Kuyie nyí tú meyei nkaku, kù sàmu, ke dó benitibè. Kuù tu mufòmmu, dèè te kè kù dó ku nitibè nsà kù dòmmè, kè dèè yie nkè be mómmambè kè bèè mǔte mufòmmu, kémǔte medókùmmè kù duó nyèè tannò Isidayeeribe.

Mèmmè Yesu yè nti dèntemè ke ìkú ye ìnkè ke béi nke tú: Dí ndó di kòbe tǔbè di dó mēè botí di mómmambè (Matie 22:39).

Di mpátíri náàntì duó ke dòmmè

1. Iwũs féu kó ikuó 1-7
2. Mòyiisi cǎnnémè ikuó nìùbè ketibè Kuyie ntōmmú kpéí 8-10

3. Dèè ci nè dèè í ci 11-16

4. Isidayeeribè cáámmè ke tú Kuyie nkòbè:

Mùù te kè bè í dò nkényo mmeýĩ 17

Kuyie ndonté bè bo ndó mèè botí betòbè 18-20

Ikuó tãmmú nè yebaa nyèyiekè Sifubè dò nkè
núi baá nyè bá dìi benni 21-23

Kuyie ntannò nè ku kuó nè kù bè dounnè dìi nùù
24-27

IWŪŌ FÈÙ KÓ IKUŌ

Bè yó nfeu ùi wũō kè tuō

¹ Tí Yìè nKuyie ndo yúo Məyiisi ku taummè tou borè nde kóò náké ke dò: ² Á náké Isidayeeribè ke dò mí ndi Yìè nKuyie n tú:

Kè di kóò mǎu dó ké n féúté fèǎfè, fè bo na kéntú fediefè yoo fesámǎfè.

³ Kè wèè dó ké n féúté fèǎfè kétuō, fè ntú fedaafe kénkpa kuyènkù, kòo fè kùō metaummè tou bòrìnùù kè n cǎuté o pǎnni. ⁴ Wèe daá nho nòutè fe yuu ké fè nni nféúté kétuō kè n cǎuté o pǎnni kóò cǎé nho yei. ⁵ De kó difǎnkúò kòo n féúté o ǎfè metaummè tou ìkè kè ikuó nìùbè Anǎo bíi míété meýĩ ndiwũǎtǎnni dìi bo metaummè tou bòrìnùù kéfité, ⁶ ké fè fèté kékéké fe tùòti. ⁷ Kè ikuó nìùbè Anǎo bíi tǎtǎnne muhǎá ndiwũǎtǎnni kėtií nyideí, ⁸ kétúóté itùòti nè diyuu nè mekùò nkperè kédáá ndiwũǎtǎnni muhǎá nyĩnkè, ⁹ kéhóuté tinauti nè yekpáà nkè ikuó nìùtìi de tuō ndemǎu diwũǎtǎnni ìnkè. De kó fèǎfè yóó tuǎmmu kéntú dipǎnni dìi kó kufǎǎku n naati mí ndi Yìè nKuyie.

¹⁰ Kòò mǎu mē ndó kẹ́fẹ́útẹ fẹ̀pièfẹ̀ yoo tẹ̀buatẹ kẹ́ m pǎ kẹ́tuǎ ndẹ́ ntú dẹ̀daarẹ́ kénkpá kuyènkù.

¹¹ Kòò dẹ́ nni n fẹ́útẹ diwũṣ̀tǎnni bakù cǎnku bíékẹ́ mẹ̀taummẹ́ tou bòrìnùù, kẹ́ ikuó nìùbẹ́ Anǎo bíi míétẹ́ mẹ̀yĩ̀ ndiwũṣ̀tǎnni kẹ́fitẹ́. ¹² Kòò kẹ́kẹ́ fẹ́ tùòti kẹ́ ikuó nìùtìi ì daá ndiwũṣ̀tǎnni muhǎǎ òyĩ̀nkẹ́ nè diyuu nè mẹ̀kùdò nkperẹ́, ¹³ kẹ́sútẹ́ tinautì nè yekpáá nkẹ́ ikuó nìùtìi dẹ́ nni mbenke kẹ́ dí dẹ́ tǔǎ ndemǎu diwũṣ̀tǎnni ìnkẹ́. Dẹ́ kó fẹ́ǎfẹ́ yóó tuǎmmu kẹ́ntú dipǎnni dìi kó kufǎṣ̀ku n naati mí ndi Yìè nKuyie.

¹⁴ Kòò mǎu mē ndó kẹ́kuǎ tenǎtẹ́ kẹ́ m pǎ kẹ́tuǎ, wẹ́e tǎnì tenónkpetẹ́ yoo dikpetinónkperi. ¹⁵ Kẹ́ ikuó nìùtìi tẹ́ kàtenẹ́ diwũṣ̀tǎnni borẹ́ kẹ́yĩ̀útẹ́ tẹ́ fǎnìí kẹ́tǎtẹ́ tẹ́ yuu kẹ́ dì tǔǎ ndiwũṣ̀tǎnni ìnkẹ́, kẹ́dẹ́ite tẹ́ yĩ̀ nkémíétẹ́ diwũṣ̀tǎnni píkù, ¹⁶ kẹ́dẹ́ite tẹ́ bòtìrì nè tẹ́ cìti, kẹ́ dẹ́ ùtǎo diwũṣ̀tǎnni píkù diyè yìèní kẹ́e bíékẹ́ bè uutoo dẹ́ mutápeí mmẹ̀kùdò nkǎmu, ¹⁷ kẹ́yatẹ́ tenǎtẹ́ tẹ́ fièti saku, kẹ́yóu kẹ́ dẹ́ nkpaá cáátì kòò tẹ́ tǔǎ ndiwũṣ̀tǎnni ìnkẹ́, tẹ́ yóó tuǎmmu kẹ́ntú dipǎnni dìi fǎṣ̀ku n naati mí ndi Yìè nKuyie.

2

Tidiiti kó yepǎrẹ́

¹ Kẹ́ ti Yìè nKuyie nnákẹ́ Mǎyiisi kẹ́ dǎ: Kòò mǎu dǎ kẹ́ m pǎ tidiiti tì ntú tísààtì, kòò tì nǎa nkẹ́yǎrẹ́ mẹ̀kùdò nkécǎnnẹ́ tihúúntì, ² kẹ́tǎnì dẹ́ kó muyuo nkéduǎ nyikuó nìùbẹ́ Anǎo bíi, kẹ́ bèe yẹ́tẹ́ dẹ́ kó muyuo mmùù mē nkǎkénẹ́ mẹ̀kùdò nkẹ́yóótẹ́ tihúúntì timǎu dẹ́ ìnkẹ́ kẹ́tuǎ nkẹ́ dẹ́e benke kẹ́ dò ndipǎnni dimǎu tǔ n kperi. Dẹ́ kó dipǎnni yóó tuǎmmu kẹ́ntú dipǎnni dìi fǎṣ̀ku n naati mí ndi Yìè

nKuyie. ³ De kó muyuo mmùù sùó, mmù yó ntú Anɔɔ nè o bí bè kōmu mmu ke yě bè mù nni mpāmè mu kè mù cǎá.

⁴ Kè wèè dǎ kè m pǎ tidiiti kó dipānni, kòò dǎ kèpūnnému de kó tidiiti wèè āntenè de kó muyuo nsàamù nè mekùò nke báá ānné mutie mùù muuti pèè, kèpūnné de kó mudii kéwaaɛ mekùò.

⁵ Kè kupèmpènkù me nni nku, wèè āntenè muyuo nsàamù nè mekùò mmáà, ke báá ānné mutie mùù muuti pèè, ⁶ kè kù wèrí kéyɔɛ mekùò nku ñnkè. Tidiiti kó dipānni ndi.

⁷ Kè wèè dǎ kè m pǎ tidiiti kó dipānni, kòò dǎ kè ti cìemmu wèè āntenè mekùò nde kó muyuo.

⁸ Wèè me ndǎ kè m pǎ de kó dipānni, kòò di tũnte ke dèè wèè tǎní kéduó nyikuó nìùti kòò di kòtenè diwũtǎnni borè. ⁹ De kó dipānni miεke nke, ikuó nìùti yóó yétémè kétuó, nkè dèe benke ke dò ndipānni dimɔu tú n kpɛri. De kó dipānni yó ntú dii tũò dindi dii kó kufɔ̃ɔku n naati mí ndi Yiè nKuyie. ¹⁰ De kó muyuo mmùù sùó mmù yó ntú Anɔɔ nè o bí bɛmáà kōmu mmu, ke yě bè mù nni mpāmèmu.

¹¹ Di yóó m pǎ tii diiti kó dimáà ti níí bá nkəkénè mutie mùù muuti pèè, di báá ti kɔɛɛnè mutie mùù muuti yoo mecekùò nkétuó. ¹² Di bo na kè m pǎ di paa nkó tidiketiti, ti né bá ntú tii yóó tuó ntii kó kufɔ̃ɔku n naati.

¹³ Di níí ānné mukókúó nyepārè yemɔu di yóó nní mpāã nyè, di níí báá yóu di bo ānnémè mukókúó nyepārè yemɔu yèè tu tidiiti. Mukókúó mbenkú

metaummè n di dònè mè yó mbomè mme sãã.
Yepārè yemou di m pã nyè ní nhã mukókúó.

¹⁴ Kè di yóó m pã di paa nkó tidiketiti dí tì pũnné kéũnté képuo mbá di báá fũtí, ¹⁵ kényore mekùò nkécōnné tihúuntì. Tidiiti kó dipānni ndi. ¹⁶ Kè ikuó nìùtì yěté de kó muyuo mmùu me nkakénè mekùò nkéyóóté tihúuntì timou de ñnkè kétuo, nkè dèe benke ke dò ndipānni dimou tú n kperi.

3

Kuyie nnàkémè bè ní bo kù féúté mètè botí fèðfè metaummè kofe

¹ Kè ti Yiè nKuyie nni nsaké ku náaànti kébéi nke dò: Kòò mōu yó n féúté fèðfè metaummè kofe, kè dinaadaa ndi yoo fenife fè ntú fèè kpa kuyènkù.

² Wèe tóni o òfè metaummè tou bòrìnuù kénós nho nou fe yuu ké fè féúté, kè ikuó nìùtì Anoo bíi míété meyĩ ndiwũõtònni kéfíté, ³ kédèite metaummè kó fèðfè kó imaa mmiεke bè yó n tuo nyi: Tinauti kó mekùò nnè mètè tì dàátí. ⁴ Nè yeceumbè yedé nè ye kó mekùò nnè kutúúkú nè mekùò mmèè càátínè yēō nè yeceumbè. ⁵ Kè Anoo bíi dè tùóté kéwēnnénè bè yóó tuo nfè kédáá ndiwũõtònni idéi ñnkè kétuo. Dè tu dipānni ndi dii kó kufōōku n naati.

⁶ Kè fèðfè sàm̀pófè me nni nfè ò dó ké n féútémè metaummè kpéí, kè fedaafe nfè yoo fenife fè ntú fèè kpa kuyènkù. ⁷ Kè fepièfè me nni nfè ò dó ké n féútémè, wèe fè tóni metaummè tou iikè, ⁸ kénós nho nòutè fe yuu ké fè féúté metaummè tou bòrìnuù, kè Anoo bíi míété meyĩ ndiwũõtònni kéfíté. ⁹ De kó

fèḏḏfè metaummè kḗfè, bèe deite mekùò nkperè kè dè ntú n kperè, kè bèe dè tùò nkékéété kuyóú kumḗu kù tuuténè dè kudiiku, nè mekùò mmèè càátínè tinautì nè mèè tì dàátí. ¹⁰ Yèceumbè yedé nè yè kó mekùò nnè kudiiku nè mekùò mmèè càátí yèḏ nè yèceumbè. ¹¹ Kè ikuó nìùtìi dè nni ntuo ndiwũḡtònnì ñnkè, n kperè nde.

¹² Kè tēbuḡtè mē nni nte, wèe tē tōní metaummè tou ìikè, ¹³ kénóó nho nòùtè tē yuu kè tē fèúté metaummè tou bòrìnùù. Kè Anḡḡ bíi míété mēyĩ ndiwũḡtònnì kéfíté. ¹⁴ Dè kó difḡnkúò, nte ò yóó tuo ndè n kpéí, mekùò mmèè càátínè tinautì nè mèè tì dàátí. ¹⁵ Yèceumbè yedé nè yè kó mekùò nnè kudiiku nè mekùò mmèè dàátí yèḏ nè yèceumbè. ¹⁶ Kè ikuó nìùtìi tuo nde kó imaa ndiwũḡtònnì ñnkè. N kperè nde dipānnì dii kó kufḡḡku n naati.

Mekùò nkperè kó dimàà, mí ndi Yìè nKuyie mmĩ dè te. ¹⁷ Òmḡù bá nyo mmekùò nnè mēyĩ mbá kè di bo kèè bíékè, dè tu ikuó nyi di kpéí nnè di yaàbíó sáà.

4

Ikuó nìùbè bo nfeu ù wũḡ mēyèi ncḡmmè kpéí

DÈÈNNÌ: Ikuó nìùtì diewè kó mēyèi ncḡmmè kpéí

¹ Kè tì Yìè nKuyie nyíé kébéinnè Mḡyiisi kè dḡ:
² Náké Isidayeribe kè dḡ:

Kè dè kpeténè òmḡù kòò dḡò ikuó yete dè, kòò dḡò n yē di báá dḡò dè kó dèmarè.

³ Kè dè dḡ nyikuó nìùtì bè cǎñné wè n tḡmmú kpéí wèe yeté kè dḡò mēyèi nke tanné n nìtìbè mēyèi mmiekè. Wè n fèúté dinaadaà dii kpa kuyènkù,

meyei nhò dòdmè kó meciémme kó fèðfè nfe. ⁴ Wèe fè toní metaummè tou ìlkè, kèdaá nho nòutè di yuu ìnkè ké di nni nféuté, ⁵ kényénté meyi nkétannè metaummè tou, ⁶ képòtè o nóm̃bii kémíété kuce m̃eyiekè kuyààkù kùù kpetí metaummè tou bòrì de mièke kperi, ⁷ kécōnné de kó meyi nhò yéntémè di húúntònni dii bo metaummè tou mièke di kó yebàkè ìnkè. Kòò dèe wèe cóú mmeyi nsomme diwũtònni dii bo metaummè tou bòrìnuù di fũ. ⁸ Nte bè yóó dòdmè de kó dinaadaà bè n fèuté di meyi ncíémme kpéi, mekùò mmèè càátínè tinauti nè mèè tì dàátí, ⁹ nè yecumbè yedé nè ye kó mekùò nnè kudiiku nè mekùò mmèè dàátí yēō nè yecumbè yedé, ¹⁰ kéndònnè bè baa ã deite dè fèðfè bè n fèuté fè metaummè kpéi nkè ikuó nìùtì dè tũ mbè tũ ndè bè n feu ì wũ. ¹¹ De kó dinaadaà kōnkù nè di maa nnè di yuu nè di kpáà nnè di nauti nè di piti, ¹² di maa nyimou cénke, bèe ì tō kédenne bè karì, kékòtenè dibòrì dii cãã, bè uutoo dè iwũ kó mekùò nkó mutápeí, kètòtinnè muhãã ndibòrì bè tãátè di ke uutoo iwũ kó mutápeí mbè yóó de ndi tũ.

***DEENÍ:** Isidayeeribe bemou kó meyi ncíémme kpéi*

¹³ Kè dè dō ndè kpeténè Isidayeeribe bemou ndi, kè bè dōò n yē mbè báá dōò de kó dèmarè bá bè í yé. ¹⁴ Kè bè banté dii mōnni de kó meyi mbèe waá ndinaadaà dii kpa kuyènkù ké di kòtenè ní metaummè tou ìlkè. ¹⁵ Deñde Isidayeeribe kó bekótíbe yóó nóm̃mè be nou dinaadaà yuu ìnkè metaummè tou ìlkè ké di nni nféuté kè n di cíé ndi yei. ¹⁶ Kè ikuó nìùtì di ewèe waá mmeyi nkétannè metaummè tou mièke, ¹⁷ képòtè o

nómbii meyiĩ nkémíété kuce mēyiekè kuyààkù kùù kpetí metaummè tou bòrì de miēke kperi. ¹⁸ Kòò dèè wèe cōnné de kó meyiĩ nhò miétémè dihúúntònni dìi bo metaummè tou miēke di kó yebàkè, kòò dèè wèe cóú mmeyiĩ nsomme diwũõtònni dìi bo metaummè tou bòrì di fũð. ¹⁹ Kòò deite de kó dinaadaà kó mekùò mmemou ké mè tùò ndiwũõtònni ìnkè. ²⁰ Ò baa do dòòmè o kó dinaadaà meyei ncíěmmè kperi ò yóó me ndòò bε kperi, ké bè dòò meyei ncíěmmè kó ikuó, kè m bè cǐě. ²¹ Wèe denne de kó dinaadaà Isidayεeribe kari ké di tùò nhò do tùò mmèè botí o kperi. Isidayεeribe bemou yei ncíěmmè kperi ndi.

TǎǎTi: Wèè baké o kó meyei ncíěmmè kpéi

²² Kè dè dò ndè kpeténè wèè baké, kòò dòò mí ndi Yiè nKuyie nyí dó de kó dèmarè. ²³ Kè bè ò nàké o yei nhò dòò mè, wèe tóni dibòdaà dìi kpa kuyènkù, ²⁴ kénóó nho nòùtè di yuu ìnkè ké di nni nféúté bè feu dè iwũð bè tùò nyi. O yei ncíěmmè kó fèðfè nfe. ²⁵ Kè ikuó nìùtì diewèe pòòtè meyiĩ nho nómbii kémíété diwũõtònni bàkè, kécóú mmeyiĩ nsomme de kó diwũõtònni fũð, ²⁶ kètuo nfe kùò mmemou de kó diwũõtònni ìnkè bè ãð dòòmè metaummè kafe kōme, kòò dòò meyei ncíěmmè kó ikuó kòò deeténè o yei nkè nh ò cǐě.

Nǎǎ: Benitibè sɔmbε, bá wè o kó meyei ncíěmmè kpéi

²⁷ Kè dè dò ndè kpeténè benitibè miēke nke òmòù, kòò dòò n yě mbè báá dòò de kó dèmarè. ²⁸ Kè bè ò nàké ò dòò mèè yei nwèe waá tebóniite tēè kpa kuyènkù, ²⁹ kénóó nho nòùtè tε yuu ké tē nni

nféúté bè feu dè iwũṣ bè tùò nyì. ³⁰ Kè ikuó nìùtì diwèè pààtè meyĩ nho nómbii kémiété diwũṣtònni bàkè, kécóúngo meyĩ nsomme de kó diwũṣtònni fũṣ, ³¹ kédèi dèè kó dimàà tu mekùḍ mbè ṣṣ dèi mèè botí fèḍfè bè kùò fè metaummè kpéi nfe kōme, ké mè tùò ndiwũṣtònni ìnkè mè tu dipānni ndi dii fṣṣku n naati, kóò dḍò meyei ncíemmè kó ikuó kè nh ò cīé.

³² Kè de yiè mme ndó kéféúté fepièfè nfe ké m pā, wèè tóni fenife fèè kpa kuyènkù, ³³ kénós nho nàùtè fe yuu ké fè nni nféúté bè feu dè iwũṣ bè tùò nyì. ³⁴ Kè ikuó nìùtì pààtè o nómbii fe yĩ nkémiété diwũṣtònni, bè tùò ndi ìnkè iwũṣ di bàkè, kécóúngo mesomme di fũṣ, ³⁵ kédèi mekùḍ mmemou bè ṣṣ deimè metaummè kó fèḍfè kōme ké mè wēnnénè dèè ṣṣ tuo nkétuo ndiwũṣtònni ìnkè n kpéi, kédḍò de yiè mme yei ncíemmè kó ikuó kè nh ò cīé.

5

NŪMMŪ: Medonnimè mamè meyei ncíemmè kó ikuó ìnkè

¹ Kè dè dò ndèmarè dḍò kè bè wàà mbèè yà, ke náá nke tú de yiè mbo yà, kàa yé ke cīéké ke yete a bo béimmè, fṣṣ te meyei.

² Kòò mḍò wèè me nkàáké dèmarè ikuó yē ndèè sī, kè kuwanwankù makù nku yoo fèḍfè yoo debambaànnè, kòò dè kàáké bá ò í yé, ke sīnkùnnè omàà ke to de kó meyei.

³ Kòò me nkàáké onìtì mḍò nwe ikuó yē nwèè sī mbá ò í dake, kè dè boní kòò banté ò tḍmè de kó meyei.

⁴ Kòò mǎu weè nùu me nhò fíténè kòò pàrikènè mí nKuyie n yètìrì, bá ò í totí o yèmmè, kè dè boní kòò banté ò tǎmè de kó meyei.

⁵ Kòò tǎ de kó meyei nkó mèmamè ò dò nké mè dǎammu. ⁶ Wèe tǎní fèpenifè yoo tɛbɔniite kéũté de kó meyei, kè ikuó nìùtìi o dòò meyei ncíěmmè kó ikuó, kóò dɛɛténè de kó meyei.

KUO: Bɛcɪribè bo nfeu ù wũs meyei ncíěmmè kpéi

⁷ Kè dè dò nhòmǎu í mǎke fɛpiɛfè yoo tɛbuɔtè ke bo n féúté ò dòò mèè yei nkpréi kè nh ò cǐě, wèe tǎní sínónkperípíe sìdési yoo yekpetinónkperɛ yèdéè, ké n féúté tɛmǎá kétuɔ nkénféúté tɛtɛtè ò dòò mèè yei nkpréi kè nh ò cǐě. ⁸ Wèe dè tǎní kéduó nyikuó nìùtì kòo keté kéféúté meyei ncíěmmè kpetɛ. Wèe ìũté tɛ fǎnii ò me mbáá tǎtɛ tɛ yuu, ⁹ kédeite tɛ yĩ nkémíété diwũɔtǎnni píkù kécóúngo mɛsɔmmɛ diwũɔtǎnni fũs, meyei ncíěmmè kpetɛ nte, ¹⁰ kékuɔ tɛdétè kétuɔ nyikuó yèmmè. Kè ikuó nìùtìi ò dòò meyei ncíěmmè kó ikuó, kè nhò cǐě nho yei.

¹¹ Kè dè me ndò nhòmǎu í mǎke sínónkpeé yoo yekpetinónkperɛ, wèe tǎní muyuo ncìdóòbè bènàà, ò báá mù yɔɔɛ mɛkùò nhò me mbáá cǎnné tihúúnti mu ìnkè, ke yé meyei ncíěmmè kǎmu mmumè. ¹² Wèe mù tǎní kéduó nyikuó nìùtì, kòo mù yété dinacekutiri, kéwènnénè dèè yóó tuɔ nkétuɔ, kè dɛɛ benke mumǎu mù tumè n kǎmu mmu, mù yóó ntu meyei ncíěmmè kǎmu mmu. ¹³ Kè ikuó nìùtìi ò dòò meyei ncíěmmè kó ikuó kè nhò cǐě nho yei.

Kè ikuó nìùtì nte musɔmmu ò ɔ nte mèè botí tidiiti kó yepǎrè kǎmu.

Bè bo nfeumè iwũṣ meyei nhũtímù kpréí

¹⁴ Kè ti Yìè nKuyie nnáké Məyiisi kε dò:

¹⁵ Kè dè dò ndè kpéténè òmòu kòò kàáké yepā̀rè bè m pā̀a nyè, wèe tóní dipedaà dìi kpa kuyènkù dìi donku mànnè bè kèèté ìì díítí n taummè tou kpéí, mmeyei nhūtímù kó feǝfe nfe. ¹⁶ Wèe yietí ò yùúku dè n taummè tou kénós nkè dè mmànnè ò bo totémè ò yùúku dè yewétiyè yènùmmù kó dìmàà kòò dè duós nyikuós niùtì. Kè ikuós niùtì feúté dìi pedaa kòò dòn meyei nhūtímù kó ikuós kè nh ò cǝ́ nho yei. De kó ikuós nyi memme.

¹⁷ Kòò mǎu yeté kɛ dǎò n yě n yí dǎ dɛ, kɛ í yě, dɛ kó mɛyɛi mbaa bo o yuu ñnkè nkɛ. ¹⁸ Kè dè boní kòò banté wèe dɛitɛ o wũɔ miɛkɛ dipedaà dìì kpa kuyènkù kè di donku mànnè bè kèèté ìì díítí mɛyɛi nhũtímù kpéí nkɛ ikuó nìùtìi ò dǎò mɛyɛi nhò dǎò mè kɛ í yě mɛ kó ikuó kè nh ò cǐě. ¹⁹ Dɛ kó dipedaà tu mɛyɛi nhũtímù kperì ndi. Kɛ yě dɛ yìè nni nyeténèmu.

²⁰ Kè ti Yìè nKuyie nyíé kébéi nkε dò:

²¹ Kè dè mē ndò nhòmàù wèè ciitè o kou kē n yētènè, kòò kou ò dǎúnnè dèmarè yoo ò dè nhò bànnè, kòò ò ciitè kē di o kpere, ²² kòò mē mpètè dèmarè nde kē nēnni, kē parikè kē bo sǎnnè, nè dē kó mēdǎ̀rìmè yēime botí. ²³ Kòò dǎ̀ dē kó mēyēi mbotí ò dò nké dè fǎ́mmu, ò yùúkú dè yoo ò fiētè dè yoo bè ò dǎúnnè dè, yoo ò pètè dè, ²⁴ yoo ò sǒú nkē pariku. Nè dē kpéí nwèè yietí kénǎ́ nkè dè mmànnè kòò dō dè toté kucē mènùmmù dèmáà na mmàmè. Bè ò yà dii yìè dimómmǎnni ndi ò dòmmè káyietí wèè tē dēnennè. ²⁵ Kòò dèè mēmme ò né deitení dipedaà

o wũṣ miεke dii kpa kuyènkù, dii mǎnnè ikuó nìùtì kèété ìì díítí mēyēi nhūtímù kpéí. ²⁶ Kè ikuó nìùtì ò dǎdǎ mēyēi nhūtímù kó ikuó kè nhò cǐé mbá kòò do dǎdǎ mèè yēi mbotí.

6

Ikuó ìì tukúnè muwũṣféù nè tidiiti kó yepārè

DĒENNÍ: Iwũṣ ìì feu ke tuò

¹ Kè ti Yiè nKuyie mbéinnè Məyiisi ke dǎ: ² Náké Anǎo nè o bí ke tú:

N yē nkè bè n fèúté fèṣfè ke tuò ndiwũṣtǎnni ìnkè bè báá yie nkè de kó muhǎǎ nkú. Mù nyié nke cóú nkè dèe wenténè. ³ Kè ikuó nìùtì dáátí dikǎutéyaàbòrì, dii dùàkenè mupaàkonkperímù, kéyi defetire dèè dùàkenè mupaàkonkperímù, kédeè ke né kouté mutápeí mmekùò nkǎmu bè n tǎo nfèè ṣfè kǎmu ké mù ìnné diwũṣtǎnni píkù, ⁴ kédeite o yààtì kéǎnné titetì ké mù tǎ kédenne bè kari, kékǎtenè dibòrì bè tǎǎté dì de kpéí. ⁵ Diwũṣtǎnni kó muhǎǎ mbáá kú. Bá dii kǎnweínì ikuó nìùtì níì mù tií nkénósó nfèṣfè fèè ṣṣ tuò nke né na kétuò mmekùò mmetaummè kó ikuó kǎme. ⁶ Diwũṣtǎnni kó muhǎǎ nyó ncóúmmu nsǎǎ mù báá kú.

DĒENNÍ: Tidiiti kó yepārè

⁷ Nte tidiiti kó yepārè kó ikuó yo ndòmmè:

Anǎo bí ìì níì yóó yè tǎní dihúúntǎnni borè. ⁸ Bè níì yēté muyuo nnè mekùò nnè tihúúntì timǎu bè ṣṣ cǎnné tì mu ìnkè, kétuò ndihúúntǎnni ìnkè, dèè benkú mumǎu mù tumè n kǎmu, dipǎnni ndi dii kó kufṣṣku n naati. ⁹ Anǎo nè o bí kè bèe di desǎnnè, bè me mbáá kǎǎrenè mutie mùù muuti pèè, bè báá kari

sǎntíkoo kó dibòrì ké mù di. Bèè kari metaummè tou kó kudànkù nku ké mù di. ¹⁰ Dε kó mudii bè báá mù kǎarenè mutie mùù muuti kǎpǔnné ke yě bè m pǎ tii diiti ke tùò ntii sùómmè, tì tu n kpɛti nti ke dǒnnè bè ǎǎ m pǎ fɛǎfɛ mɛyɛi nɛíemmè kpéí nyoo mɛyɛi nhũtímù kpéí nkè dɛɛ súó. ¹¹ Anǎo kó kuwuo nkǎbe bèè yóó nyo nde kó mudii bè m pǎ ke yɛtɛ ke sùó mmù, dɛ yó ntú di kó ikuó nyi sǎǎ.

¹² Kè ti Yiè nKuyie nyíé kébéinnè Mǎyiisi ke dǎ:

¹³ Ntɛ Anǎo nè o bí be yó m pǎ dii pǎnni bè yóó bè cǎnné dii yiè ikuó tǎmmú kpéí. Bèè wáá mmuyuo nsààmù cìdóòbè bètǎǎti, kɛtoté mu cuokè, muu ndikũnweñni mutēmù kuyuoku. ¹⁴ Bèè mù ǎntenè mɛkùò nképěmmú kɛwérí ké m pǎ. Dipǎnni ndi dii kó kufǎǎku n naati.

¹⁵ Anǎo wuo mmieke kè bè yóó cǎnné òmǎu kòò ntú ikuó nìùti, wèe mɛ ndǎò. Dε kó ikuó yó mbo sǎǎ ndi, dε kó dipǎnni níí yó ntú dii tùò ndindi pǎíí. ¹⁶ Kè ikuó nìùti m pǎ tidiiti kó dipǎnni bèè di tùò, mbè báá di di.

TǎǎTi: Mɛyɛi nɛíemmè kó iwũǎ

¹⁷ Kè ti Yiè nKuyie nni nsǎké ku náǎnti kénáké Mǎyiisi ke dǎ: ¹⁸ Náké Anǎo nè o bí ke tú: N yě nkè bè yó n féúté fɛǎfɛ mɛyɛi nɛíemmè kpéí mbèe fɛ nni nféúté metaummè tou ìkè bè n feu dè bè tùò nyi. Bè fɛ nni mpǎmu. ¹⁹ Ikuó nìùti wèè kùò dε kó fɛǎfɛ, wèè dò nké fɛ di ò mɛ mbáá kari sǎntíkoo kó dibòrì ké fɛ cǎáké, wèe kari metaummè tou kó kudànkù. ²⁰ Kòò tǎu mǎu kǎáké dε kó kumǎa nhò kúmu, kè mɛyĩ mmɛɛ mɛ ndàri o yǎàti, wèe tì óú dibòrì bè tǎǎtɛ di dε kpéí. ²¹ Kè bè ì bènnénè tiyaati kó tɛkũmbotè ke

dèè bèè tè pòntɛ. Kè disɔwũḏ kpetɛ mɛ nni nte bèè tè òú mɛsàà. ²² Ikuó nìùbè cɛ́ĩ kɔbɛ bɛè bo na ké ì di, dɛ kó imaa ntu bè m pã ì nyi. ²³ Kè bè n fèúté fèè ɛ̀fè mɛyɛi ncíém̃mè kpéí nke tannè fɛ yĩ mmetaummè tou miɛkɛ kɛ dòò mɛyɛi ncíém̃mè kó ikuó bèè fè cóu.

7

NÀÀ: Mɛyɛi nhūtímù kó iwũḥ

¹ Nte mɛyɛi nhūtímù kó ikuó yó ndòmmè: Dɛ kó fèḏfè ní yó ntú bè m pã fɛ nfe. ² Bèè fɛ nni nféúté bè feu dɛ bè tùò nyi, kè ikuó nìùtì míété mɛyĩ ndiwũḥtònni kéfité. ³ Kè bè n duó ndèè tu mɛkùò nkperɛ, kuyóú nè mɛkùò mmèè dàátí tinautì ⁴ nè yɛceumbè nè mɛkùò mmèè yè dàátí nè kutúúkú nè yɛḥ kó mɛkùò nnè yɛceumbè. ⁵ Kè dí dɛ nni ntuò ndiwũḥtònni ìnkè. Mɛyɛi nhūtímù kó fèḏfè nfe. ⁶ Ikuó nìùbè cɛ́ĩ kɔbɛ bɛè mǎà bo na kédi dɛ kó imaa. Bè mɛ mbá nkari sǒntíkoo kó dibòrì ké ì di, bè fɛ nni mpāmu. ⁷ Mɛyɛi nhūtímù nè mɛyɛi ncíém̃mè kó ikuó dɛmǎà ndi, ikuó nìùtì wèè dòò dɛ kó ikuó wèè ní yó nte fɛ kó imaa.

NÙMMÛ: Dèè dò nkéntú ikuó nìùbè kperɛ

⁸ Kè bè n fèúté fèḏfè kɛ tùò, nyikuó nìùtì wèè dòò dɛ kó ikuó wèè yó nte fɛ kǎnkù. ⁹ Kè bè mɛ nni mpā tidiitì nti, kɛ tì pṹhné yoo kɛ tì fiu nyoo kɛ tì pɛmmú, ikuó nìùtì wèè dòò ikuó wèè yó ntì te. ¹⁰ Kè bè mɛ nni mpā tidiitì tì kǎɛɛnè mɛkùò nnè tì í mè kǎɛɛnè tì kó dimǎà í pṹhné Anɔ bí tì totí kè dɛ mmà.

KUO: Metaummè kó iwũḥ

11 Nte ikuó di yó nni n feu mènè botí iwũṣ metaummè kpéí:

12 Kòò mǎu dǎ ké n féúté fèṣfè disānni kpéí nwèe yíénè yekàtìndà yèè í kǎarenè mutie mùu muuti, bè àntenè yèè cootì mekùò nnè tipémpɛ́ntì tìlì waare mekùò nnè muyuo nsàdmù ké mù kǎarenè mekùò nképiíté kápũnné, 13 kéwaánnè pèè wèè kǎarenè mutie mùu muuti kényénè fèṣfè bè yó n féúté fè metaummè kpéí nyoo disānni kó fèṣfè 14 Kè bèe deíte de kó mudii miéke dèè yó ntú n kperε, ikuó nìùtì wèè mìété metaummè ṣfè kó meyĩ ndiwũṣtònni wèè dè te. 15 Bè n fèúté dii yìè de kó fèṣfè diñdi bè yóó fè càákémè, bè báá súú ndèmarè kè dè nyĩkú kéwenté.

16 Kòò nìtì wèè mε nni ncànnènnè dinùu ke dǎ ké fè nni nféúté yoo ò baá dǎ ké fè nni nkuo nè o yèmmè mmε, bèe fè càáké de yìè nè nankoo. 17 Kè fε maa nkpaá ke tùòke diyìè tǎánni yìè bèe ì cóu. 18 Kè bè ì càáké diyìè tǎánni yìè de kó dipānni naá ndetètìrè ndε, n ténke báá dì cǔuté, de kó imaa ntú ìlì sǐnte ì nyi, kè wèè ì di wèè tǎ de kó meyei. 19 Kè imaa mmaì kàáké dèmarè ikuó yē ndèè sǐ mbè báá ì di, bèe ì cóu.

Wèè wenni ikuó yèmmè wèè bo na kédi metaummè kó fèṣfè kó imaa. 20 Kè wèè sǐ nyikuó yèmmè ke ì càáké bèe ò dènnε Isidayεeribε tǐnni miéke. 21 Kòò mǎu kàáké dèmarè ikuó yē ndèè sǐ kòò nìtì nwe yoo kuwanwankù yoo dèterè marè ikuó yete dè, ke càáké fèṣfè bè n fèúté fè metaummè kpéí nfe kó imaa, de yìè mbèe ò dènnε Isidayεeribε tǐnni miéke.

Isidayεeribε dǎ nkéncimè iwũṣ kó mekùò nè meyĩ

22 Kè ti Yiè nKuyie nni nsaké ku náàh̀tì kénáké M̀oyiisi kè d̀ò: 23 Náké Isidayeeriḃe kè tú:

Di bá nyo mmenaakùò nnè ipe nè sibóò de kōme. 24 Kè fèḡfè mafè ku yoo musĩmmù fè pĩ, di báá cááké fè kùò, di né bo na ké mmè pĩnnè mutōmmú. 25 Kòò m̀òu cááké mekùò mbè 3̄3 n kuḡ fèḡfè kédeite mè kétuḡ. Bèè ò dènnè Isidayeeriḃe tĩnni mièke. 26 Bá kè di bo kèè bíéké di bá nyo mmeḡyĩ, bá tenòtè kōme yoo itààke inàà kpere kōme. 27 Kè wèè di meḡyĩ mbá kòò tu wè bèè ò dènnè Isidayeeriḃe tĩnni mièke.

Ikuó nìùbè d̀ò nké te d̀è

28 Kè ti Yiè nKuyie nyíé kénáké M̀oyiisi kè d̀ò: Náké Isidayeeriḃe kè d̀ò:

29 Kòò m̀òu n fèúté fèḡfè wèè deite kumaa nkùù tu n kaku. 30 Wèè deite o mómumuḡ nyìi tu n kp̄yi, mekùò nk̄pere nè dicĩncĩnni ké dè nni mbenke. 31 Kè ikuó nìùtì tuḡ mmekùò ndiwũḡtònni ìnkè Anḡḡ nè o bí kè bèè túóté dicĩncĩnni. 32 Metaummè kó iwũḡ di n feu ì mièke, di ní deite dikpèrì youri kéduḡ nyikuḡ nìùtì. 33 Anḡḡ bí ì yóó míété metaummè kó fèḡfè kó meḡyĩ nkétuḡ mmekùò. Bèè yó nte de kó dikpèrì. 34 Mí ndi Yiè nKuyie mmũ tu: Di ní deite di n feu ì wũḡ metaummè kp̄yi mièke dicĩncĩnni ké m benke kédeite dikpèrì Anḡḡ nè o bí be kpere nde. Dè yó ntú di kó ikuó nyi sáà.

35 Nè bè cǎnné dii yìè ndi Anḡḡ nè o bí n tōmmú kpéi n dèitemè de kó imaa nyiwũḡ bè n feu ì ke tuḡ nyi mièke kè d̀ò, ì bo ntú be kp̄yi. 36 Dii yìè ndi m béimmè kè d̀ò bè ní dè mbè duḡ, kè d̀ò: De kó ikuó yó mbomu sáà.

³⁷ Nte bè yó nni nfeu ìì wũṣ ke tuò nnè bè yó nni mpãã ntìì diitì ke tuò nnè bè yó nni nfeu ìì wũṣ meyei ncíěmmè kpéí nnè meyei nhūtímù kpéí, nè bè níí bo nyóó cánnémè ikuó nìùtì, nè metaummè kpéyi de kó ikuó dúṣ ke me ndò. ³⁸ Ti Yìè nKuyie ndo nàké tì nti Mòyiisi Sinaii tārì ìnkè kù bè nàá ndìì yìè ke tú bè nkù feu iwũṣ Sinaii kó dikpáà.

MÒYIISI CĀNNEME IKUÓ NÌÙBÈ KETIBÈ KUYIE NTŌMMÚ KPÉÍ

8

Bè níí bo cánnè mēè botí bèè yó ntú ikuó nìùbè

¹ Kè ti Yìè nKuyie mbéinnè Mòyiisi ke dò:
² Yú Anṳ nè o bí kétúóté ikuó yààtì nè ikuó kó mekùò nkéwáá ndinaadaà meyei ncíěmmè kpèri nè yepedakè yèdèè, kéānnè pēēbè bèè í kṳrenè mutie mùù muuti kuhonku mieke, ³ kényú Isidayeeriḃe tĩnnì dimṳ kè dìì tí mmetaummè tou bòrì borè.

⁴ Kè Mòyiisii tũnnè ti Yìè nKuyie nhò nàké tì ketíí nyIsidayeeriḃe bemṳ metaummè tou bòrì borè, ⁵ ké bè nàké ti Yìè nKuyie nyē nwèe dṳmè, ⁶ kédeè kéduṣ nhAnṳ nè o bí kè bèe tóónnì kṳò bè wũṣ ikuó yēmmè, ⁷ kédátínnè Anṳ dikṳutéyaàbòrì kéboú fenaàkōnfè, kénṳṳ ndikṳutéyaàbòkūpuri, kénṳṳ ntekṳutéyaàbòtè kéboú fenaàkōnfè, ⁸ kédeè kénṳṳ ndicĩncĩnkōnnì, kéānnè di mieke ikuó nentì bè tu tì udimmu nè tumimmu ⁹ kéboú o yuu kuyaàbombouñkù, kṳò ìnnè fṳṳoyítòòdáfè, deè yóó benke ke dò mbè ò cánnè n kó mutōmmú kpéí. Ti Yìè nKuyie ndo ti nàkémè Mòyiisi.

¹⁰ Kè Mòyiisii túóté ikuó kó mekùò nkémíété metaummè tou ké di cànné dindi nè dèè kó dimàà bo di mieke, ¹¹ kémíété diwũṣtònni kuce mèyiekè, dindi nè di nenti, kunankú nè ku tàrì, ¹² kécóú nyikuó kó mekùò nhAnṵ yuu ñnkè, kóò cànné. ¹³ Kè Mòyiisii duó nkè Anṵ bí katení kòò ì dàtínné yekautéyaàbòrè kéboú inaakũṣ nké bè boú tiyaàbomboúnti be yò, kéndònnè ti Yiè nKuyie ndo ti nhò nàkémè.

¹⁴ De kó difǽnkúò kétúóténí dinaadaà meyei ncíemmè kperi, Anṵ nè o bí kè bèe nṵó mbe nou di yuu ñnkè. ¹⁵ Kè Mòyiisi di feúté képòtè meyĩi nho nómbii kémíété diwũṣtònni bàkè káfíté, ké di wèñkùnnè ké di cànné kè di ntú meyei ncíemmè kperi kécóúnko mesomme diwũṣtònni fũṣ, ¹⁶ kédeè kétúóté mekùò mmèè dàátí tinautì, nè mèè càátí yèṣ nè yeceumbè yedé nè mekùò mmèè yè càátínè ké dè tùò ndiwũṣtònni ñnkè, ¹⁷ kétúóté di kǽnkù nè di maa nnè di piti kédenne Isidayeeribe karì kétuṵ nti Yiè nKuyie ndo ti nàkémè Mòyiisi.

¹⁸ Kè Mòyiisii duó nkè bèe túóténí dipedaà bè yóó kuṵ di kétuṵ. Anṵ nè o bí kè bèe nṵó mbe nou di yuu ñnkè. ¹⁹ Kè Mòyiisii di feúté kémíété meyĩi ndiwũṣtònni káfíté, ²⁰ ké di kèké kéwènnénè di yuu nè di kùò nkétuṵ, ²¹ késúté di nautì nè di kpàà nké dè wènné demṵu kétuṵ. Dì tu feṣṣè fèè tùò nfènfè dipǽnni ndi dii kó kufṵṵku naati ti Yiè nKuyie, kéndònnè kù do ti nàkémè Mòyiisi.

²² Kè Mòyiisii túóté dipedaà terì ikuó nìùbè kó mucánnímù kperi, Anṵ nè o bí kè bèe nṵó mbe nou di yuu ñnkè. ²³ Kòò di feúté káfetè meyĩi nhAnṵ tofékèrì youri nè o nòùtè youte kó dinómbídaà nè o naàcètè youte kperi, ²⁴ kédeè kényú Anṵ bí

kéfeté meyĩ mbe tofékére youye nè be nou yousi kó yenómbídakè nè be naàcèi yousi kpeye kémíété meyĩ ndiwũòtònni kéfité, ²⁵ kétúóté mekùò nnè kuyóú nè mekùò mmèè dàátí tinautì nè mèè càátí yeò nè yeceumbè nè ye kó mekùò nnè dikpèrì youri, ²⁶ kédeite pèèbè bèè í kòorenè mutie mùù muuti, bè pā bè ti Yìè nKuyie mbe mieke omáà nè dikàtìndàà nè kupémpèńkù ké dè wènnénè dikpèrì youri, ²⁷ ké dè duó nhAnò nè o bí kè bèè dè nni mbenke, ²⁸ kédeè kè Mòyiisii dè còutè kéwènnénè fèòfè fèè yóó tuò nkétuò ndiwũòtònni ìnkè. Ikuó nìùbè cǎńńímù kó fèòfè nfe, dipānni ndi dù kó kufòòku naati ti Yìè nKuyie. ²⁹ Kè Mòyiisii túóté dicĩncĩnni kébenke mí ndi Yìè nKuyie. Ikuó nìùbè kó mucáńńímù kó fepièfè nfe, kè de kó kumaa ntu Mòyiisi kòku. Ti Yìè nKuyie ndo ti nàkémè Mòyiisi.

³⁰ Kè Mòyiisii túóté ikuó kó mekùò nnè meyĩ mmèè do bo diwũòtònni kémíété Anò nè o yààtì nè o bí nè i yààtì ké bè cǎńńé.

³¹ Ò dèè memme kénáké Anò nè o bí ke dò: Bénénè imaa mmetaummè tou bòrìnúù ké de nyi càáké, kéwènnénè ikuó kóo pèè, bè ã cǎńńénè wè ikuó nìùbè, kù n nàké ke yè ndi níí dè di mèè botí. ³² Imaa nyi bo súó nnè pèè wèè bo súó ndi dè tùò. ³³ Dí mbo mmetaummè tou bòrìnúù ke dò yewe yèyiekè, di báá íté deborè kénkémmùnè di cǎńńímù kó yewe bo deèmè. Di cǎńńímù kó yewe yó mbo yewe yèyiekè ndi. ³⁴ Ti Yìè nKuyie nkuù yè ntí dòò, ti mè ndòòmè yíe. Di yei ncíèmmè kó ikuó nyi. ³⁵ Dí mbo mmetaummè tou bòrìnúù ke dò yewe yèyiekè nè

dèyènnè dèyiekè ke dɔɔri ti Yiè nKuyie ndi nàké tì, kè dèe yie nkè di báá kú. Kù n nàké dīl nùù ndi.

³⁶ Anɔɔ nè o bí kè bèe dɔɔ ti Yiè nKuyie nnàké Mɔyiisi ke yē mbèe dɔɔmè.

9

Anɔɔ nè o bí bè ketémè ikuó tōmmú

¹ Diyiè niínni yiè kè Mɔyiisii yú Anɔɔ nè o bí nè Isidayεεribe kó bekótíbè, ² kénáké Anɔɔ ke dɔ: Waanní dinaadabii meyei ncíěmmè kperi nè dipedaà a yóó féúté dī ti Yiè nKuyie nkétuɔ. Dédé kè dè ntú dèe kpa kuyènkù, kàa dè tóní metaummè tou ìikè. ³ Kàa dèe a nàké Isidayεεribe ke dɔ: Waánnè dibɔdaà meyei ncíěmmè kperi nè dinaadabii nè dipedabii dèe mòke dibenni òimáà òimáà, ke kpa kuyènkù kè dè féúté ti Yiè nKuyie nkétuɔ. ⁴ Kè di dèe dī tóní dinaadaà nè dipedaà metaummè kpεye kè yè nkù féúté metaummè tou ìikè kéwáá nnè muyuo mmùù àntenè mekùò. Yie nkù yóó di benkemu ku mǎà.

⁵ Kè bèe waanní Mɔyiisi yē mbèe waanní dè kédeè kětíínni bεmɔu metaummè tou ìikè kéncommú. ⁶ Kè Mɔyiisi dɔ: Nte ti Yiè nKuyie nyē ndi dɔɔmè káyà ku kpetì.

⁷ Kè Mɔyiisii nàké Anɔɔ ke dɔ: Tóónní diwũɔtònni borè kéféúté a ɔ̀fè meyei ncíěmmè kɔfe kéféúté fetefè kétuɔ, kédɔɔ meyei ncíěmmè kó ikuó a mómmuɔ nkpeí nnè a cīètè kɔbe kpéí. Kàa dèe a féúté benìtìbè yei ncíěmmè kɔfe, kè bè dɔɔ meyei ncíěmmè kó ikuó, kéndònnè ti Yiè nKuyie mbéimmè.

⁸ Kè Anɔɔ tóónní diwũɔtònni borè kéféúté ti Yiè nKuyie ndinaadabii o mómmuɔ nho yei ncíěmmè

kpéí. ⁹ Kòò bíí ò duó mmeyĩ nkòo pɔ̀tè o nóm̃bife ḱéfeté diwũ̀stònnì bàkè, ḱedeè ḱecóú̃nko m̃esòm̃m̃e di fũ̀, ¹⁰ ḱéd̃eite m̃ekù̀ ñkp̃ere nè ỹeceumbè nè ỹe kù̀ ñnè ỹe k̃m̃e, ḱe d̃e tũ̀ ñdiwũ̀stònnì ñnkè, ḱendònnè ti Yìè ñKuyie ndo ti nàkém̃e M̃oyiisi. ¹¹ Kè b̃e denne imaa ñnè kukònkù Isidaỹerib̃e kari ḱetuo.

¹² Kè Anɔ̀o féúté dipedaà b̃e yóó tuo ndi, kòò bíí ò duó ndi yĩ nkòo m̃íété diwũ̀stònnì ḱéfité. ¹³ Kè b̃e ò duó nde kó f̃ẽf̃e kó imaa ñnè diyuu, kòò d̃e w̃enné ḱetuo ñdiwũ̀stònnì ñnkè, ¹⁴ ḱẽú tinauti nè yekpàà nk̃ew̃ennéñe f̃ẽf̃e f̃ẽ yóó tuo nḱetuo.

¹⁵ Ò benke dii m̃ònnì ti Yìè ñKuyie m̃benitib̃e kù p̃a ỹè p̃ar̃e ḱedeè ḱetúóté dib̃adaà m̃eỹe ñc̃í̃mm̃e kp̃eri ḱe di féúté ò do f̃eúté m̃è botí diketiri, ¹⁶ ḱetuo nde kó iwũ̀ idé ikuó ỹemm̃e, ¹⁷ ḱetúóténì b̃e p̃a mù̀ yuo nti Yìè ñKuyie nk̃eỹété ḱecóú̃ ñdiwũ̀stònnì ñnkè nè iwũ̀ b̃e ɔ̀ fié ì bá dii k̃ũnweñnì ḱetuo. ¹⁸ M̃em̃m̃e ò f̃eútém̃e benitib̃e t̃onì dii naadaà nè dipedaà m̃etaumm̃e kpéí kòò bíí ò duó mmeyĩ nkòo m̃íété diwũ̀stònnì ḱéfité. ¹⁹ D̃e kó dinaadaà kó m̃ekù̀ ñnè dipedaà k̃m̃e nè kuyóú̃ nè ku kó m̃ekù̀ ñnè ỹeceumbè nè m̃ekù̀ mm̃è c̃aátíñe ỹe. ²⁰ Kòò d̃e daá nyiwũ̀ idé inyi kó ỹec̃ĩnc̃ir̃e ñnkè, ḱedeè ḱe d̃e tũ̀ ñdiwũ̀stònnì ñnkè, ²¹ ḱetúóté d̃e kó ỹec̃ĩnc̃ir̃e nè dikp̃eri youri ḱe d̃e benke ti Yìè ñKuyie nkù do ti nàkém̃e M̃oyiisi.

²² Kè Anɔ̀o fié ti Yìè ñKuyie nyiwũ̀ m̃eỹe ñc̃í̃mm̃e kpéí, ñnè ì yóó tuo m̃metaumm̃e kpéí, ḱeyoute o ñou benitib̃e bíékè ḱe b̃e p̃a ti Yìè ñKuyie nkó m̃esàà nk̃ecúténì diwũ̀stònnì ñnkè.

²³ Mɔ̀yìisi nè Anɔ̀ kè bèe nei kéta metaummè tou, kénéi kényènní kápá ti Yìè nKuyie nkó mesàà mbenìtìbè. Kè Isidayeeribee yà ti Yìè nKuyie nkó tikpetì. ²⁴ Kè kēĩnkè kó muhǎǎ ncùténí kētuo mmekùò nnè iwũǎ bè fié ì ke bo tuo nde kó diyìè. Kè Isidayeeribee dè yà kēii bemou kéníńkú kēsĩnnóo kētenkè.

10

Nabaadi nè Abiyu bè kumè

¹ Anɔ̀ bí Nadabu nè Abiyu kè bèe túóté bá wè tesɔ̀sékébuute kéwaá mmuhǎǎ nsǎntíke kōmu, ikuó yete mù kētuo ntihúúntì ti Yìè nKuyie. ² Kè muhǎǎ nyènní ikuó nentì kó kufǎǎ nkó dibòrì ké bè còúté kè bèe kú ti Yìè nKuyie ntaummè tou ììkè. ³ Kè Mɔ̀yìisii náké Anɔ̀ ke dò:
Ti Yìè nKuyie ndo ti nnáá
kù tu dìi mǎnni bèe kù tǎkénè
kù bo bè benke kù dòmmè pái pái,
kè Isidayeeribe bemou nkù dèú̀kùńko.
Kè Anɔ̀ ndò nkáré.

⁴ Mémme kè Mɔ̀yìisii yú Anɔ̀ cice nantè Usiyeedi bí Mikayeedi nè Edisafǎǎ ké bè náké ke dò: Kótenè kétúóté di cice nantè bí ìì ku ke duó metaummè tou bòrìńùù, kédenne Isidayeeribe kari. ⁵ Kè bèe dǎò Mɔ̀yìisi bè náké tì ké bè túóté nè be kuó yaàbòrè kédenne Isidayeeribe kari.

Ikuó nìùbè nùí bo nkari mǎè botí betǎbè kũũ

⁶ Kè Mɔ̀yìisii náké Anɔ̀ bí ìì kpaá, Edeasaa nè Itamaa ke dò: Di báá yóu kè di yùtìi yēké. Di me mbáá kērí di yaàbòrè ke bo benke di karimè mukũũ di yàà bo kú kè ti Yìè nKuyie mmiekee peike Isidayeeribe

bemou. Isidayeeribe sɔmbɛ bɛè yóó kɔmmú ti Yiè nKuyie nkùɔnè bè muhãã mbɛ kpéí. ⁷ Díndi báá íté metaummè tou bòrìnùù di yàà bo kú! Bè di còú nyikuó kó mekùò mme ke di càǎné ti Yiè nKuyie ntōmmú kpéí.

Kè bɛɛ yie nkédòò Mɔyiisi bè nàké tì.

Ti Yiè nKuyie ndo bàamè ikuú nìùbè menaà mmèè muò

⁸ Kè ti Yiè nKuyie nnáké Anɔɔ ke dò: ⁹ Fǒ nnè a bí kè di níí kɔri metaummè tou di báá yǎ dìfǐè yoo menaà ntēmè mamè mɛè muò nkè dɛɛ yie nkè di báá kú. Dɛ yó ntú ikuú nyi di kpéí nnè di yaàbíó sǎǎ. ¹⁰ Kè dɛɛ yie nkè di na kɛmbaàtì dèè tu n kperɛ, nè dèè í tú n kperɛ. Dèè ci nè dèè í ci, ¹¹ kɛna kɛbenke Isidayeeribe bemou n duó nyii tié mMɔyiisi kòò ì ndi nàké.

Ikuú nìùbè níí yó nte dɛ bè pǎǎ nyèè pǎrè Kuyie nyɛ miɛke

¹² Dɛ mǎnnì kè Mɔyiisii náké Anɔɔ nè o bí ì kpaá Edeasaa nè Itamaa ke dò: Kè bè pǎ ti Yiè nKuyie ntidiitì, ke tùò ntii kpaá di kpɛti nti. Dí cááké pǐèbè bèè í kɔɛrɛnè mutie mùù muuti diwũɔtǎnnì borè, bè bè nkù pǎmu, kè dɛ cǎǎ. ¹³ Dì bá nkari sǎntíkoo kó dibòrì kóò càáké, ke yé bè kù pǎ tii diitì miɛke nke kù dèitemè ke di duó. Kù ti nni nnáké. ¹⁴ Dì níí cááké dicĩncĩnnì bè benke di Kuyie nnè dikpèrì bè dèite di, di báá kari sǎntíkoo kó dibòrì kè dɛ càáké. Bè kù fié ì wũɔ metaummè kpéí nyi miɛke nke bè dèitemè ke di duó. A bí initipoi bo na ke di wɛnnénè kè ì càáké. ¹⁵ Dicĩncĩnnì bè kù benke di nè dikpèrì bè dèite di bè níí dɛ wɛnnénè mekùò mmèè yóó tuò nké dɛ benke

Kuyie nkédeè, kè dí dè tùóté fǝ nnè a bí, di kpere yó nni nde sǎǎ, kù ti nni nnàké.

¹⁶ Kè Mɔyiisii bè beke bè yǐmè dibɔdaà bè do kùò dì mɛyei ncǐémme kpéí. Kè bèe ò nàké ke dò bè dì tùmmu, kòo miεkeε peike Anɔ bí ìi kpaá, Edeasaa nè Itamaa. ¹⁷ Kòo be beke ke dò: Dè dòmme kè dì í kari bè tǎǎté dìi bɔrì de kpéí nke dì càáké. Ke yé bè dì pǎmè ti Yìè nKuyie nku kè dì cǎǎ, kè di dì dòònè mɛyei ncǐémme kó ikuó, ke dèite Isidayεeribe kó mɛyei. ¹⁸ Di í me ntannémè mɛyǐ mmetaummè tou di na nkàrì dibòrì bè tǎǎté dindi de kpéí nke dì càáké.

¹⁹ Kè Anɔ náké Mɔyiisi ke dò: Bè dì fèuté ti Yìè nKuyie nku mɛyei ncǐémme kpéí nke tùò. A mómмуo nha yému tìi n tùòkení kè n càáké yíe nfeǝfe bè kùò fè mɛyei ncǐémme kpéí, dè bo narike ti Yìè nKuyie nnaà?

²⁰ Kè Mɔyiisi nsǎ nde kó tináàntì wenni.

DEE CI NE DEE Í CI

11

Isidayεeribe bo nyo nyù wũǎ nè bè bo nci ì

¹ Kè ti Yìè nKuyie nnáké Mɔyiisi nè Anɔ ke dò:
² Nákenè Isidayεeribe ke dò n tú:

Ntenè iwũǎ nè tiwanwantì di yó nyo ndè: ³ Feǝfe yoo kuwanwankù dèè kó yekpèètè yàte yèdéè kè dè dukii, di bo na ké ndè yo, ⁴ iwũǎ yoo tiwanwantì dèè mòke yekpèètè ke dùkii. Nte di yó nci dè:
Di bá nyo nyòyó bá nè ò me ndukiimè o kpèètè í yàte.

⁵ Di bá nyo ndisetiri bá nè di mē ndukiimè dì í mǎke yekpèètè.

⁶ Di bá nyo ntehòntè bá nè tè mē ndukiimè tē í mǎke yekpèètè.

⁷ Di bá nyo ndifònkèrì bá di mē mmǎkemè yekpèètè kè yè yàtè, dì í dukii, ikuó dè yetemu.

⁸ Di bá ndè yo nkè dè mē nku di báá dè kàáké, ikuó dè yetemu.

⁹ Nte tiwanwantì menie mmieke kpeti di bo nyo ntì: Siyĩ sì kó dimàà mǎke icietì nè yeyíékè kè sì bo menie mmieke, dàméèrì yoo ikó mmieke di bo na ké nsì yo. ¹⁰ Sì mē nyí mǎke icietì nè yeyíékè kè bo daméèrì mieke yoo ikó mmieke, nè desĩntékpere menie mmieke kpere, di bá ndè yo ikuó dè yetemu. ¹¹ Di bá ndè yo nkè dè mē nku di báá dè kàáké, ikuó dè yetemu. ¹² Tiwanwantì tì kó dimàà bo menie mmieke kè í mǎke icietì nè yeyíékè ikuó dè yetemu.

¹³ Sinǎ mieke, nte di yó nci sì, di bá nsì yo ikuó dè yetemu: Kumancònkù nè ditúsòù nè dàméèrì kó fetúúfè. ¹⁴ Kuwànkù nè kutúbotí kumǎu. ¹⁵ Nè kukākābotí kumǎu. ¹⁶ Fecònfè diefè nè dihonduò nè tekónnénòtè nè fecĩrife nè kucĩntibotí kumǎu, ¹⁷ nè fekonkpànfe, ¹⁸ kucáduonku nè dikonnéyou nè kuyómmúpéikù. ¹⁹ Kutenkatíkàdàákù nè kuyĩnwuokù kó kubotí kumǎu, nè dikũntibáři nè kudéikù.

²⁰ Yecandúò nyèè mǎke tibààtì tinàà kè í nǎ nke puù, ikuó dè yetemu. ²¹ Yecandúò mmieke di bo nyo nyè tu: Yèè mǎke tibààtì tinàà kè nǎ nke puù.

²² Di nyo nkucádómbotí kuməu nè fəcofə nè sibəi.

²³ Dəsənnə dèè məkə tibààtì tinàà ikuó dè yetəmu.

Iwũṣ nè tiwanwantì bə í dō nké níí kááké dè, dè ku dīi mōnni

²⁴ Iwũṣ bomu nè tiwanwantì kè dè ku kàa dè kááké a sīntəmu dè kó diyìè kéntə kétuəkenè kuyuoku. ²⁵ Kè wèè dè tə wèè ɔ́ú o yààtì, ɔ́ sīntəmu dè kó diyìè kéntə kétuəkenè kuyuoku. ²⁶ Iwũṣ yoo tiwanwantì dèè məkə yekpèètè bá yè í yaati dè mɛ nyi dukii ikuó dè yetəmu. Kè wèè dè kááké ɔ́ sīntəmu.

²⁷ Iwũṣ yoo tiwanwantì dèè məkə itààkə inàà kə centì də naàcèi yómme ikuó dè yetəmu. Kè wèè dè kááké ɔ́ sīntəmu dè yìè kéntə kétuəkenè kuyuoku.

²⁸ Ikuó dè yetəmu, kè wèè dè kááké wèè ɔ́ú o yààtì, o sīntəmu dè yìè kéntə kétuəkenè kuyuoku.

²⁹ Ntɛ tiwanwantì tìl bàantɛ di yó nci tì: Tekòcààtè nè diyíú nè kuhurímbotí kuməu. ³⁰ Didukpěnni nè dikpeunnì nè dikūri nè kudaàtikonkonkù nè kuwààtónónkù. ³¹ Tiwanwantì miəkə di bá nyo ndɛ kó tiwanwantì, kè kùmakù ku kè wèè kù kááké ɔ́ sīntəmu dè kó diyìè kéntə kétuəkenè kuyuoku. ³² Kè dɛ kó kuwanwankù makù ku kə kááké kunenkù makù, dɛ kó kunenkù sīntəmu, tinəntì idɛi kpɛtì nè tiyààtì nè kukònkù nè tidəutì tinəmpĩmpĩntì timəu bá kè kùù nɛnkù botí nku. Dí kù ɔ́úté kè kù nsí ndɛ kó diyìè kéntə kétuəkenè kuyuoku. Dɛ kó difònkùò kéwenkə. ³³ Kè dɛ kó kuwanwankù makù ta kunenkù titátì kòku miəkə dí kù pòntɛ. Dèè bo ku miəkə di báá dè di, dè sīntəmu. ³⁴ Kè bə mɛ nyěnténɛ dɛ kó kunenkù makù mɛniɛ nkɛ ānné tidiitì bə yo ntì, tì sīntəmu bá kè mənésààmə mmɛ bə yò mmè mɛ

sĩntemu, bá kè mè ã kùù nɛnkù botí miɛkɛ. ³⁵ Kè dɛ kó tiwanwantì kó kùmakù do kunɛnkù makù miɛkɛ kù sĩntemu, kɛ tɛfiuntè miɛkɛ nke yoo kɛdekè makè dí dè pòntɛ, dè sĩntemu kɛ yó ntú dèè sĩ ndi kpéí.

³⁶ Kè dè mɛ ndò nkuwanwankù makù do kufɛ̀tikù yoo tɛbintɛ yoo kubinku makù, mɛniɛ mmie yó nwennimu, wèè kù wuoté wèè sĩntɛ. ³⁷ Kè kù mɛ ndo tidibotí miɛkɛ nke, tì yó nkpaá kɛ wennimu.

³⁸ Kè dè mɛ nsó mbè tì búú nke bo dimu, tì sĩntemu.

³⁹ Bá kè kuwanwankù di yo nkùnkù, kè kù ku kè wèè kù kàáké ò sĩntemu dɛ kó diyie kɛntɔ kɛtuɔkɛnɛ kuyuoku. ⁴⁰ Kè wèè kù càáké wèè sú o yààtì, ò sĩntemu dɛ yiè kɛntɔ kɛtuɔkɛnɛ kuyuoku, wèè kù tùóté wèè sú o yààtì, ò sĩntemu dɛ yiè kɛntɔ kɛtuɔkɛnɛ kuyuoku.

⁴¹ Debambaànnè kó dimàà di bá ndè yo nyikuó dè yetemu. ⁴² Dèè kó dimàà fūrì dɛ pɔuti ãnkè nè dèè bààntɛ, debambaànnè kó dimàà cɛnkɛ, di bá ndɛ yo, ikuó dè yetemu. ⁴³ Di báá ãnné dimàà isɔkɛ nè dɛ kó debambaànnè yoo di yóu kè dè di sĩnkùnnɛ di báá yóu kè dè di cakɛ. ⁴⁴ Mí ndi Yiè nKuyie mmî di te kè di dò nkéncáá nke tú n kɔbɛ kɛ dò mpáíí n dòmmè páíí, di báá yóu kè dɛ kó debambaànnè kó dɛmarè di sĩnkùnnɛ. ⁴⁵ Mí ndi Yiè nKuyie mî di dɛnnení Esibiti, kɛ bo ndi te, ñdònnè páíí kɛ yé n dòmmè páíí.

⁴⁶ Kuyie mbè duó nyìi kuó nyi, iwũɔ nè tiwanwantì nè sinɔɔ nè dèè kó dimàà bo mɛniɛ mmie kè dɛ debambaànnè dɛ kpéí. ⁴⁷ Ìi kuó yó nte kè bè mbaàtì dèè ci nè dèè í ci, bè bo nyo ndè nè bè bo nci dè.

12

Ikuó ìì tukúnè onitipòkù wèè pèité

¹ Kè ti Yìè nKuyie nní nsáké ku náàntì kébéinnè Mòyiisi ke dò: ² Náké Isidayeeribe ke tú:

Kòo nitipòkù pèité denitidabire ò sīntemu kéntò kétuòkenè yewe yèyiekè, kéndònnè ò ǎ nyús nke dōmmè. ³ Diyìè nínnì yìè bèe cānté debire. ⁴ De kó difōnkúò kòo mbaà yewe sipísitāāti nè yētāāti kòo né na kéwenke. De kó yewe mieke ò báá kááké dèè cāā nke tú n kpere, ò mē mbáá kote n taummè tou, kémbaanè de kó yewe bo deèmè.

⁵ Kòò mē mpèité denitipobire nde ò sīntemu kéntò kétuòkenè seménnì bèdébè kéndònnè ò ǎ nyús nke dōmmè. De kó difōnkúò kémbaa yewe sipísikuò nè yekuò kòo né na kéwenke.

⁶ Kè de kó yewe pēēté, kè denitidabire nde yoo denitipobire, wèe tóní dipedabii dìì mòke dibenni òmáà, ò yó n kùò dì kétuò, kéduò nyikuò nùtì metaummè tou bòrìnùù, kéwaánnè òkpētínónkperi yoo ténónkpete tēè yó ntú mēwénkùmè kpete. ⁷ Kè ikuó nùtìi dè nni mbenke, kédòò mēwénkùmè kó ikuó kòo wenke.

Ikuó ìì tukúnè ìnyi onitipòkù wèè pèité denitidabire yoo denitipobire.

⁸ Kòò í na ke bo pété dipedabii wèe wáá nyekpētínónkperè yèdèè yoo sínónkpeé, kè tēmáà ntú bè yó n féuté tē kétuò, nkè tetetè ntú mēwénkùmè kpete. Kè ikuó nùtìi ò dòò mēwénkùmè kó ikuó kòo naá nwèè nùtè feitè.

13

Bè bo mbeí dè tikàntì pĩ nwe

¹ Kè ti Yiè nKuyie nyíé kébéinnè Mọyiisi nè Anṳṳ ke dṳ: ² Kè dimutiri marì yènní onìtì kòntì ke dṳ nteçètè yoo tinaandotì, kè di sṳ ndè dṳ ntikàntì, dí ò kàtenè ikuó nìùtì Anṳṳ borè, yoo o bí ikuó nìùbè kóò mṳù borè. ³ Kè ikuó nìùtìi wénté de kó mumṳmmú mùù bo o kòntì ìnkè kè deborè kó ticitì cèète ke peike, kè deborè sáke naá ntefṳtè, tikàntì nti ò mṳmmè, ikuó nìùtìi ò nàké ke tú o mṳmmú tú musĩmmù mmu. ⁴ Kè dè me ndò nde kó diciitiri pèi mǎa ndi, bá deborè í do ntefṳtè, bá ticitì í peike, ikuó nìùtìi ò cànné omǎa kè dè dṳ yewe yèyiekè. ⁵ Diyìè yiènni yiè kòò wète kóò wènté, kòò sṳ nde kó mumṳmmú baa dṳ mmu dṳntì ke í pèkè, wèe wète kóò kànnè kè dè dṳ yewe yèyiekè. ⁶ Kòò wète kóò wènté diyìè yiènni yiè, kòò sṳ ndè tǎũke ke í pèkè, wèe ò nàké ke tú o mṳmmú í tú musĩmmù. Dè tu teçètè nte cénkoo, wèe sṳtè o yààtì mǎa ndi kéwenke. ⁷ Kè ikuó nìùtì ò nàké ke tú o mṳmmú í tú musĩmmù, kòò ítóo kè de kó tewũṳtè pèkè, wèe wète kébenke omǎa ikuó nìùtì. ⁸ Kòò ò wènté kòò sṳ nde kó tewũṳtè pèkè, wèe ò nàké ke dṳ: A mṳmmú tú tikàntì nti, a sĩntemu.

⁹ Kè tikàntì feitè òmṳù, bèe ò kàtenè ikuó nìùtì borè. ¹⁰ Kòò ò wènté, kòò sṳ ndinútiri marì ānné o kòntì, kè ticitì wũṳtè deborè kè dè tǎtè. ¹¹ De kó mumṳmmú ò bimu. Ikuó nìùtìi ò nàké ke dṳ ò sĩmmu, ò báa benné kóò cànné omǎa borè ke bo ò wènní ò sĩmmu. ¹² Kè de kó inútíbi me mpité o kòntì timṳu ìnkè, o yuu nè o naàcèio, ikuó nìùtì bo na kéwénté dèe kó dimǎa. ¹³ Kòò wènté ke sṳ nde kó

muməmmú bo o kǎnti timəu ndi wèè ò nàké ke dǎ ò í sǐ. Ke yé o kǎnti timəu tii pèikemè, ò í sǐ. ¹⁴ Kè dè mē mboní kè dèmarè tǎtè ke naá ndemənnè ò sǐntemu. ¹⁵ Kè ikuó nìùtì wènté dè kó ditótírì wèè ò nàké ke dǎ ò sǐmmu, tikǎnti nti. ¹⁶ Kè dè kó ditótírì wète ke pèike wèè yà ikuó nìùtì. ¹⁷ Kòò ò wènté kòò sǐ nde kó ditótírì pèike wèè ò nàké ke dǎ o məmmú í tú musǐmmù, ò í sǐ.

¹⁸ Kè dè mē ndò ndinútírì dii yè òmǎu ke miétè. ¹⁹ Kè dimutiri dii mē nhǎnné dinútírì do borè, ke dǎ kèmpèi ke wète ke wǔǔ, dè yiè mbenke omáà ikuó nìùtì. ²⁰ Kòò ò wènté, kòò sǐ ntikǎnti dǎ kénáà ntefǎtè dèborè kè ticìtì pèike, wèè ò nàké ke tú: Muməmmú sǐmmù muù dǎ kèfeitè dinútírì do yè dè. ²¹ Kòò mē nhò wènté ke sǐ nticìtì í pèike, tikǎnti mē nyí naá ntefǎtè dèborè kè dè dǎ kéceetè, wèè ò kǎnnè kè dè dǎ yewe yèyiekè. ²² Kè mù pèkè o kǎnti wèè ò nàké ke tú dè kó muməmmú tú musǐmmù mmu, tikǎnti nti. ²³ Kè dè mē ndò ndè í pèkè o kǎnti ñnkè, dinútírì kó kufièkù nku, wèè ò nàké ke dǎ ò í sǐ.

²⁴ Kè dè mē ndò nhòmǎu wèè cǎuté kè dinútírì yè dè kó kuhǎātǎntǎnkù ñnkè, ke wète ke dǎ kénwǔǔ, ke dǎ kèmpèi yoo dè pèi, ²⁵ ikuó nìùtì ò wènté, kòò sǐ nticìtì dǎ kèpèike yoo tikǎnti dǎ kénáà ntefǎtè dèborè, tikǎnti tii ò pǐ. Ikuó nìùtì ò nàké ke dǎ o məmmú tú musǐmmù mmu, ò sǐmmu. ²⁶ Kè dè mē ndò nyikuó nìùtì ò wènté ke sǐ nticìtì í pèike dèborè, tikǎnti mē nyí naá ntefǎtè dèborè ke cèetè ke pèike, wèè ò kǎnnè kè dè dǎ yewe yèyiekè. ²⁷ Diyè yíènni yiè wèè wète kóò wènté, kè dè kó tɛwǔǔtè pèkè, wèè ò nàké ke dǎ o məmmú tú musǐmmù mmu, ò sǐmmu,

tikòntì nti. ²⁸ Kè de kó tɛwũṣtè mɛ nyí dɛukɛ, kɛ dò ntɛdòntì kɛ pètínkɛ dó kéceetɛ, muhãã mmuù ò còútɛ kè dè dó képeikɛ, ikuó nìùtìi ò nàké kɛ dò o mòmму í tú musĩmmù, kuhããtòntònkù kó kufièkù nku.

Yeyukòrè kó mumòmму

²⁹ Kè yɛmuò nhãnné onitidòù yoo onitipòkù yuu yoo o kúònnì: ³⁰ Ikuó nìùtìi wénté de kó demònnɛ, kòò ṣ́ ndè dó kénáá ntef̣tè deborè, kè ticìtì wũṣtè kɛ yẽ ntima tima, wèè ò nàké kɛ dò o mòmму tú musĩmmù mmu, yeyukòrè kó mumòmму mmu yoo dikúònnì ḳmu. ³¹ Kè dè dò nyikuó nìùtì ò wénté kɛ ṣ́ nyeyukòrè í ãnné tef̣tè deborè yoo tiyùtì í ṣòutɛ, wèè ò kànnɛ kòò dò yɛwɛ yèyiekè. ³² Diyìè yiènnì yìè kòò ò wénté kòò ṣ́ ndɛ kó mumòmму í pèkè tiyùtì mɛ nyí wũṣtè, dè mɛ nyí naá ntef̣tè deborè, ³³ omuòntìi kuó késoó ndɛ kó dibòrì kè ikuó nìùtìi yíè kòò kànnɛ kòò dò yɛwɛ yèyiekè. ³⁴ Diyìè yiènnì yìè kòò ò wénté kɛ ṣ́ mmù í pèkè, dè mɛ nyí naá ntef̣tè deborè, wèè ò nàké kɛ dò ò wenkɛmu, kòò óú o yààtì kéwenkɛ. ³⁵ Kòò mɛ nhóú o yààtì kɛ dèè kè de kó mumòmму pèkè. ³⁶ Ikuó nìùtìi wètɛ kòò wénté kòò ṣ́ ndɛ kó mumòmму pèkè kè tiyùtì wũṣtè ò ṣĩmmu. Ikuó nìùtì báá benné kénwéí tiyùtì bo wũṣtémè. ³⁷ Kè mù í tòtɛ, kɛ baà dò mmudòntì. Kè tiyusòùtì yè, ò miétému, ò í ṣĩ. Ikuó nìùtìi ò nàké kɛ dò: A í ṣĩ.

³⁸ Kòò nitidòù nwe yoo onitipòkù, kòò ṣ́ nho kòntì ãnné tɛpéítɛ. ³⁹ Ikuó nìùtìi ò wénté. Kè de kó tɛpéítɛ dò ntɛdòntì kɛ í cèètɛ, mùmamù í ò dò ntɛpéítɛ tɛè cénkɛ ãnné o kòntì, ò í ṣĩ.

Μεγυukánkámmè

⁴⁰ Kòò nìtì yuu fǝũ ò m̀kɛ mɛyukánkámmɛ m̀mɛ, ò í sǝ. ⁴¹ Kòò tǝnnì kó tiyùtì tìi mɛ nfǝũ mɛyukánkámmɛ m̀mɛ ò í sǝ. ⁴² Kè diciitirì marì mɛ nhǎnné mɛè yukánkámmɛ miɛkɛ, kòò b̩rì ndi yoo o tǝnnì kɛ d́ kɛmpɛì kɛ wɛ̀tɛ kɛ d́ kɛnwũɔ, tikàntì ntì. ⁴³ Ikuó nìùtìi ò wɛ̀nté, kòò ś ndiciitirì ǎnné o b̩rì yoo o tǝnnì, kɛ wɛ̀tɛ kɛ d́ kɛnwũɔ, kòò ś ndè d́ ntikàntì, ⁴⁴ dikònnì ndi, ikuó nìùtìi ò nàké kɛ tú ò sǝmmu, tikàntì tìi pǝ n̩ho yuu.

⁴⁵ Kè tikàntì pī nwè ndáátí tiyààtì tìl kērí kè yóu kòò yùtìl yēké kòò nkānké o núcìtì, kè pīēkù kè tú: N sīmmu! N sīmmu! ⁴⁶ Kè dε kó muməmmú kpáá kòò bo yèè wε miεkε ò yó sīmmu, ò bá mbo Isidəyεribε kārì, ò mbo məkentímè.

Tiyààtì bo pũũtimè

47 Kè tiyààtì bè dùòkèné tì tipecìtì yoo mupaàkonkperímù kè tì pūūti. 48 Kè dè tu kuyààkù yoo kuyaàdándátínkù nku bè dùòkèné kù tipecìtì yoo mupaàkonkperímù, kè dè me ntú kukònkù nku yoo kunenkù makù bè dònè kù kukònkù, 49 deè pūūti kuyààkù ìnkè yoo kukònkù yoo kuyaàdándátínkù yoo kunenkù kukònkù kòku ìnkè, kè dè dò mmenónnùò nyoo dè dó ké nwūò, bèe dè benke ikuò niùti. 50 Kòò wénté de kó kunenkù pūūti dè, ké kù dóú nkumàà kè dè dò yewe yèyiekè. 51 Diyiè yiénni yiè kòò ś ndè pèkè de kó kuyààkù ìnkè yoo kuyaàdándátínkù yoo kukònkù yoo kunenkù makù bè dònè kù kukònkù, bá kè de kó kunenkù tu kùù boti dè í yóó deè, de kó kunenkù s̄ntemu. 52 Ikuò

nìùtì tuò nde kó kuyààkù, yoo kuyaàdándátínkù kùù dùòkenè tipecìtì, yoo mupaàkonkperímù, kè dè me ntu kukònkù kó kunenkù makù nku, bá kè kù tu kùù botí kè né pũùtì dè í yóó deè bèe kù tùò.

⁵³ Kè ikuó nìùtì me nsó ndèè pũùtì dè í pèkè kuyààkù yoo kuyaàdándátínkù yoo kunenkù bè dònè kù kukònkù ku ìnkè. Bá kè kù tu kùù botí, ⁵⁴ wèe duó nkè bèe kù òúté kòo kù dáu nku maa borè, kè dè dò yewe yèyiekè. ⁵⁵ De kó difònkúò dèè pũùtì kè dè baa dò nde dòntì kè í pèkè, de kó kunenkù sǐmmu, wèe kù tùò. Bá kè kù pũùtì ku ìnkè yoo ku mièkè. ⁵⁶ Kòò me nsó mbè kù àú kè dè dó kédeè kè kánté, wèe kété de kó dibòrì. ⁵⁷ Kè dè me ndò nkù sòo nke pũùtì kupíkù tekù de kó kuyààkù ìnkè yoo kuyaàdándátínkù ìnkè yoo kunenkù bè dònè kù kukònkù ku ìnkè, dè tùòtìmu, wèe kù tùò.

⁵⁸ Kè bè me nkù òúté kè dèè kè dè ténke í wètení bèe yíé ké kù òúté. De kó difònkúò kù í sǐ.

⁵⁹ De kó ikuó tukúnè tiyààtì tì pũùtì tìnti, tì dùòkenè tipecìtì yoo mupaàkonkperímù yoo kuyaàdándátínkù yoo kunenkù tekù makù bè dònè kù kukònkù. Bá kè kù tu kùù botí. Deè yó nte kè bè níí na kébate kùù sǐ nnè kùù wenni.

14

Bè bo wénkùnnè mèè botí tikàntì pĩ nwè

¹ Kè ti Yìe nKuyie mbéinnè Mòyiisi kè dò: ² Nte ikuó di níí yóó tũnnè ì kéwénkùnnè tikàntì pĩ nwè. Di níí ò kàtenè ikuó nìùtì borè, ³ kè ikuó nìùtì yènní Isidayeeriibe karì kóò wènté. Kòò ò wènté kè sǐ nhò miété, ⁴ wèe duó nkè bèe waanní sinòò sìdésì bè n feu

sì, bè yóó wénkùnnè wè kpéí, nnè sètìrì kó kudú nè tipecìtì tì tò mmewũ ò nnè ísópù kó tifãàtì. ⁵ Kè ikuó nìùtì duó nkè bèe waá ndibuu tiyaatì kperi kéãnné menésààmè di mieke ké n féúté tenòtè temáà me ìnkè. ⁶ Kòò dèè wèe túóté tenòtè tèè kpaá fòu nè sètìrì kó kudú nè tipecìtì tì tò mmewũ ò nnè ísópù kó tifãàtì ké dè wènné demou nè tenòtè tèè kpaá fòu képòtè bè féúté tè menésààmè mieke te kó meyiĩ, ⁷ kémiété bè dò kéwénkùnnè wè kuce mèyiekè, kòo wenke ke ténke bá nsĩ kòo fĩnko tenòtè tèè kpaá fòu kè tèe puu kéta dikpáà. ⁸ Kè bè wènkùnkò wèe sú o yààtì kékuó o cìtì timou kéwu, ò ténke í sĩ. Kòò dèè memme ò bo na kéta Isidayeribe kari ò me mbáá ta o tou ke dò yewe yèyiekè. ⁹ Diyiè yíennì yie kòo kuó o cìtì: O yùtì nè o deènfè nè o nancìtì, o cìtì timou cénke, kéúú o yààtì, kéwu. Ò ténke í sĩ.

¹⁰ Diyiè nínnì yìè wèe waá nyepedabe yèdèè nè dipeserì dìì mòke dibenni dìmáà, kè dè nkpa kuyènkù, nè muyuo nsààmù bè yó m pã mù, cìdóòbè bèwei, ké mù àntènè mekùò ndítìrì kó dikéè. ¹¹ Kè ikuó nìùtì wèe dòòrì mewénkùmmè kó ikuó kòo cónné onìtì ò dó kéwénkùnnè wè nè o pãrè metaummè tou ìlkè. ¹² Kè ikuó nìùtì túóté yepedabe kó dìmarì kéféuté meyei nhũtímù kpéí. Kòò dèè wèe túóté mekùò ndítìrì dikéè ké dè nni mbenke. ¹³ Ikuó nìùtì wèe yó n féúté de kó dipedabii metaummè tou ìlkè, bè n feu dè meyei ncíèmmè kpeyi nè bè tùò nyì. De kó fèòfè ikuó nìùtì wèe yó nfè te, bè ò ntemè meyei ncíèmmè kofe. Bè fè nni mpāmu. ¹⁴ Kè ikuó nìùtì waá mmeyiĩ nkéféte bè wènkùnkò wè tofékèrì youri, nè o nòùtè youte kó dinómbídaà nè o naàcètè youte

kp̄eri. ¹⁵ Kòò dèè wèe báúte o nòùtè cànkutè mekùò, ¹⁶ kèp̄òtè o nòùtè youte kó dinómbii marì kémíétè metaummè tou kuce m̄eyiekè. ¹⁷ Kòò dèè wèe p̄òtè mekùò mm̄è kpaá o nòùtè mīeke, k̄éfetè ò wènkũnko wè tof̄ékèrì youri nè o nòùtè youte kó dinómbídaà nè o naàcètè youte kp̄eri, ò do fetè dè meyei nh̄tímù kó fēðfè kó meyĩ. ¹⁸ Kòò dèè, mekùò mm̄è kpaá wèe m̄e waare ò wènkũnko wè yuu, kóò d̄ò m̄ewénkùmè kó ikuó, metaummè tou ìikè. ¹⁹ Kè ikuó nìùtìi féútè meyei nc̄íemmè kó fēðfè kóò ùtè meȳò̄, kòò dèè ò né n féútè f̄è yóó tuo. ²⁰ Kè bèe f̄è w̄ennénè muyuo mbè m p̄a mù k̄etuo, kóò d̄ò meyei nc̄íemmè kó ikuó. Ò t̄énke í s̄ĩ.

Tekòntè t̄è c̄ĩnni t̄è bo waá nd̄è k̄è bèe t̄è wénkũnne

²¹ Kòò m̄e ntu oc̄rì nwe, wèe waá ndipedabii dim̄áà meyei nh̄tímù kp̄éi, k̄è bèe d̄i féútè k̄e m benke kóò d̄ò m̄ewénkùmè kó ikuó, k̄ewaánnè muyuo ns̄àamù cidóòbè bèt̄āāti k̄e mù àntenè mekùò mbè yó m p̄a mù yuo mmu k̄eyiénè mekùò nd̄it̄irì dik̄éè. ²² Kòò waánnè sinónkpeé s̄id̄esì yoo yek̄petinónkpedíp̄à nyèd̄éè. Kòò na ke s̄i p̄ètè, t̄em̄áà ntú bè yó n féútè t̄è meyei nc̄íemmè kp̄éi nk̄e n féútè tetetè k̄etuo. ²³ Diyìè n̄inn̄i yìè ndi, ò yóò d̄è t̄oním̄e k̄eduo nyikuó nìùtì metaummè tou ìikè m̄ewénkùmè kp̄éi. ²⁴ Kè ikuó nìùtìi túótè dipedabii meyei nc̄íemmè kp̄eri nè mekùò nd̄it̄irì dik̄éè k̄e d̄è nni mbenke metaummè tou ìikè, ²⁵ k̄éfútè d̄e kó dipedabii meyei nh̄tímù kp̄eri, k̄ep̄òtè meyĩ nk̄éfetè bè wénkũnko wè tof̄ékèrì youri nè o nòùtè youte kó dinómbídaà nè o naàcètè youte kp̄eri, ²⁶ k̄ecíú n̄ho nòùtè cànkutè k̄ebáúte mekùò, ²⁷ k̄e m̄e

pòòtè kémíétè metaummè tou kuce mèyiekè, ²⁸ ké mè feté ò wènkùnkò wè tofékèrì youri nè o nòutè youte kó dinómbídaà nè o naàcètè youte kpèrì, ò do feté dè meyi nhūtímù kó fèḏfè kó meyĩ, ²⁹ kédeè, mekùò mmèè kpaá o nòutè mièke wèe mè waare ò wènkùnkò wè yuu kóò dḏò mēwénkùmè kó ikuó mí ndi Yiè nKuyie n taummè tou ìikè. ³⁰ Sinónkpeé sǐdési sinsi kó tēmātè yoo yekpetinónkperè yèdé kó òimari ò na ke pètè dè. ³¹ Kè ikuó niùti n féútè tēmàà meyi nciēmme kpéí, ke n féútè tetetè kétuo nkéwēnnénè muyuo mbè m pā mù nè ò na ke pètè dè, kóò dḏò mēwénkùmè kó ikuó, mí ndi Yiè nKuyie n taummè tou ìikè.

³² De kó ikuó tukúnè tikàntì bo pĩ nwè nwe kòò í mpètè ò dḏò nké na nwaá ndè kéḏḏònnè mēwénkùmè kó ikuó.

Tecīètè bo pūūtīmè

³³ Kè ti Yiè nKuyie nni nsaké ku náàntì kénáké Mōyiisi nè Anḡ ke dḏò:

³⁴ Kè di tūòke dii mōnni Kannahāā èi n yóó di duó ndi kè dí di tieke, kè n duó nkè sicēĩ di yóó tieke sǐ kó tēmātè pūūti. ³⁵ Kè tecīètè yiè nkòte ke nàké ikuó niùti ke yĩ: N yà n cīètè mièke nke dēmārè femarife pūūtīmè. ³⁶ Ikuó niùti duó nkè bèe denne tinènti de kó tecīètè mièke, kòò né na kéta ké tè wènté. Kè dèe yie nkè dèe kó òimàà bo tecīètè kè dè báá sǐnte, kè ikuó niùti mu nyí kòte ke tè wènté. ³⁷ Kòò tè wènté ke sǐ nsifḡḡ ānnè imarí ĩnkè ke dḏò mmenḡḡnnúò nke wète ke dḏò kénwūḡ. ³⁸ Ò nyetini dibòrì kéduó nkè bèe tè kpetinnè kè tè dḏò yewe yèyiekè ke kpetí. ³⁹ Kòò wète diyie yiènni yiè ké tè wènté kòò sǐ ntefòtè pèkè

imarí ìnkè, ⁴⁰ wèè duó nkè bèè dei yetárè yèè pũ̀tì kè yè ùtóó dihéì mà̀nku bè uutoo dè desìnnè, ⁴¹ kéduó nkè bèè kṹrí təcĩ̀tè mièkè imarí kékoú bè kṹrí dè kédenne dihéì mà̀nku kéútoó bè uutoo dè desìnnè. ⁴² Kè bèè waá nyetárè teyè kéãnnè bè dèi yè kó yefòtè kébí tibítì tetì.

⁴³ Kè bè dèite yetárè kè kṹrí dèè pũ̀tì kè bi tibítì tetì, kè dè wète kè feítè təcĩ̀tè mièkè. ⁴⁴ Ikuó nìùtì wète kè tè wènté, kòò sǝ ndè pèkè dè í yóó deè, de kó təcĩ̀tè sǝmmu. ⁴⁵ Bèè tè pùò nké koú tè táá nnè tè dei nè tè bíti kédenne dihéì kéútoó bè uutoo dè desìnnè.

⁴⁶ Kè wèè ta de kó təcĩ̀tè tè kpaá kpetí dìi mǝnni ò sǝntemu de kó diyè kèntǝ kètuǝkenè kuyuoku, ⁴⁷ kè wèè duó tè mièkè yoo ò di tè mièkè wèè óú o yààtì.

⁴⁸ Kè ikuó nìùtì mǝ nkǝtè kè wènté kè sǝ ndè í pèkè nè bè tè bimè kè deè, wèè béi nke dò: Tè í sǝ, ndèè do pũ̀tì dè deèmu.

⁴⁹ Kè tè yiè nwaá nsinǝ sǝdésì nè sètìrì kó kudǝú nè tipecìtì tìi to mmǝwũǝ nnè ìsǝpù kó tifaàtì kè tè wénkǝnnè. ⁵⁰ Kè ikuó nìùtì ãnnè mǝnèsààmè tiyaatì kó dibuu mièkè, kéféútè tenòtè temáà de mièkè, ⁵¹ kédeè kètuótè sètìrì kó kudǝú nè ìsǝpù kó tifaàtì nè tipecìtì tìi to mmǝwũǝ nnè tenòtè tèè kpaá kè fòù, képǝtè tenòtè bè feútè tè mǝnèsààmè mièkè tè yǝ, nkémíétè təcĩ̀tè kuce mǝyiekè. ⁵² Ò dòò dìi mǝnni təcĩ̀tè mǝwénkǝmè kó ikuó nè tenòtè ò feútè tè mǝnèsààmè mièkè tè kó mǝyǝ nnè sètìrì kó kudǝú nè ìsǝpù kó tifaàtì nè tipecìtì tìi to mmǝwũǝ. ⁵³ Kòò deè wèè fǝnko tenòtè tèè kpaá kè fòù dihéì mà̀nku kè tèè ta dikpáà. Bè dòò dìi mǝnni mǝwénkǝmè kó ikuó kè deè təcĩ̀tè ténkè í sǝ.

54 De kó ikuó tukúnè tikònti nè yeyukàrè ìnkè kó muməmmú mmu, 55 nè tiyààti nè sicéí dè bo pūūtimè. 56 Nè yenúútè bo da yèmè nè təcètè bo da pīmmè nè diciitiri bo ānnémè a kònti ìnkè. 57 De kó ikuó ìi yó mbaàti dèè sī nnè dèè í sī. Tikònti nè dèmarè bo pūūtimè kó ikuó nyi.

15

Dèè bo sīnkùnnè onitidòu

¹ Kè ti Yiè nKuyie mbaa nsóké ke náánnè Məyiisi nè Anəw kébéi nke dò: ² Nákénè Isidayεeribε ke tú:

Kòo nitidòu məu tùòti yefòtè kè meniε nyiè, de kó meniε nhò sīnkùnnemu. ³ Nte dè yó nhò dòmmè ò mə nyèè we miεkε: Kè meniε nyiè yoo mε í yiè ò sīmmu. ⁴ Kòò duó dii dóu ìnkè di sīntemu, kòò kàri dii kàri ìnkè di sīntemu. ⁵ Kè wèè kàáké de yiè ndóu wèè óú o yààti kéwuə, ò sīntemu de yiè kéntə kétuəkenè kuyuoku. ⁶ Kè wèè kàri dikàri ò kàri dii ìnkè wèè óú o yààti kéwuə, ò sīntemu de yiè kéntə kétuəkenè kuyuoku. ⁷ Wèè kàáké de yiè nwèè óú o yààti kéwuə, ò sīntemu de yiè kéntə kétuəkenè kuyuoku. ⁸ Kè de yiè ntīūté òmòu, ò mε ntīūté wèè óú o yààti kéwuə, ò sīntemu de yiè kéntə kétuəkenè kuyuoku. ⁹ Kòò kàri mucèmmu ke kari dii sānkàri di sīntemu. ¹⁰ Kè wèè kàáké kunenkù makù ò yàke kùu ìnkè, ò sīntemu de yiè kéntə kétuəkenè kuyuoku. Kè wèè tùóté de kó kunenkù wèè óú o yààti kéwuə, ò sīntemu de yiè kéntə kétuəkenè kuyuoku. ¹¹ Kè de kóo niti kàáké òmòu ke í nite, ò kàáké wèè óú o yààti, ò sīntemu de yiè kéntə kétuəkenè kuyuoku. ¹² Kè de kóo niti kàáké

kunenku tiyaati kaku bèe kù pònte, kè kudóu kaku me nní nku bèe kù eité.

¹³ Kè dè yiè mmieté ò mbaà yewe yèyiekè ke né na kéwenke. Wèe sú o yààti nè meniè mmèè pũ ò nke né wenke. ¹⁴ Diyiè nínni yiè kéwaá nsinónkpeé sídésì yoo yekpetinónkperípàà nyèdèè, ké dè tóni kéduó nyikuó niùti metaummè tou bòrìnù. ¹⁵ Kòo túóté tèmáà kékuo meyei nhūtímù kpéi, kétúóté tètété kékuo kétuò nkòò dòò mewénkùmè kó ikuó kòo wenke.

¹⁶ Kòo nitidòu duó ke yēnke omáà wèe sú o yààti kéwuò ò sīntemu de yiè kéntò kétuòkenè kuyuoku.

¹⁷ Kè tiyààti nti yoo kè kukònkù nku o taniè ndàrimè wèe dè sú, dè sīntemu de yiè kéntò kétuòkenè kuyuoku.

¹⁸ Kòo nitidòu duónè onitipòkù bèe wuò. Bè sīntemu de yiè kéntò kétuòkenè kuyuoku.

Dèè bo sīnkùnnè onitipòkù

¹⁹ Kòo nitipòkù yús nhò sīntemu ke dò yewe yèyiekè, kè wèe ò kàáké ò sīntemu de yiè, kéntò kétuòkenè kuyuoku. ²⁰ Kòò duó dìi dóù dì sīntemu, kòò kàri dìi kàri dì sīntemu. ²¹ Kè wèe kàáké o dóù wèe sú o yààti kéwuò. Ò sīntemu de yiè kéntò kétuòkenè kuyuoku. ²² Kè wèe kàáké kunenku makù ò kàri kùù ìnkè wèe sú o yààti kéwuò, ò sīntemu de yiè kéntò kétuòkenè kuyuoku. ²³ Kè kunenku makù bo o dóù ìnkè yoo ò kàri dèè ìnkè, kòò mǎu dè kàáké ò sīntemu de yiè kéntò kétuòkenè kuyuoku. ²⁴ Kòo nitidòu duónè onitipòkù ò yùò ndiì mǎnni ò sīntemu ke dò yewe yèyiekè kòò duó dìi dóù ìnkè dì sīntemu.

²⁵ Kòo nitipòkù yùs nkè dè pēēté dè we kè tì mu nyí dèè, yewe yèè sòoté yé mièkè ò baa yó nsí nhò ã nyúú nkè dè dòmme mme. ²⁶ Dè kó yewe yèè sòoté yé mièkè kòò duó dii dóú yoo ò kàri dii kàri ìnkè, di sīntemu kéndònnè o yónti kó yewe ã ndòmme. ²⁷ Kè wèè kàáké o dóú yoo o kàri, wèè sú o yààtì kéwuò, ò sīntemu dè yiè kéntò kētuòkenè kuyuoku.

²⁸ Kòo yónti còmmú ò mmàke yewe yèyiekè kè né na kéwenke. ²⁹ Diyiè nínni yiè kòo waa nsinónkpeé sidésì yoo yekpetinónkperipàà nké dè tóni kéduó nyikuó nùtì metaummè tou bòrìnnù. ³⁰ Kòo kuò tēmáà mēyēi nhūtímù kpéi nkékuò tetetè kētuò mmetaummè tou ìikè, kóò dǎò mēwénkùmè kó ikuó kòo wenke.

³¹ Dí náké Isidayeeri bè kè bē níí ncié mbè sī nyèè we, bē báá ta n taummè tou bē yàà bo di sīnkúnne kékú.

³² Dè kó ikuó tukúnè onitidòu wèè bo tuòti wènwè yefòtè kè mēniè nní nyiè nè wèè bo duó kēyēnke omáà, ³³ nè onitipòkù wèè yúú, nè onitidòu yoo onitipòkù wèè bo tuòti yefòtè kè mēniè nní nyiè, nè onitidòu wèè bo duónè onitipòkù ò yúú ndiì mǎnni.

16

Mēyēi ncēmme kó diyiè dieri

¹ Kè ti Yiè nKuyie nyíé kébéinè Mōyiisi. Dè do sǎ nhAnǎo bí idé kumu, ìi do tùò nti húúnti ti Yiè nKuyie ntaummè tou mièkè nè muhǎǎ nsǒntíkoo kǎmu.

² Dè mǎnni kè ti Yiè nKuyie mbéinnè Mōyiisi kè dǎ: Náké a kóo kótì Anǎo kè dǎ n yē nhò bá ntaà metaummè tou yewe yemǎu kè fiiti kuyààkù fǎnkúò

metaummè tɔu ñĩkú dè, ò yàà bo kú, ke yé n níí yóó dè kàtoomè diwetiri mieke ké bè benke m mǎá.

³ Kòò níí tati metaummè tou wèe waá ndinaadaa meyei nhũtímù kpéí, kéwaá ndipedaà ò yó n féúté dì kétuò, ⁴ kédáátí dikoutéyaàbòrì dìi dùòkenè mupaàkonkperímù kéinè de kó defetire kébóu mu kó fenaàkònfè, kébóu o yuu mu kó kuyaàbomboúnkù. Ikuó nentì nti, ò níí wuò ke né na ké tì ànné. ⁵ Kè Isidayeeribee ò duó nyebòdakè yèdéè meyei nhũtímù kpéí nnè dipedaà ò yó n féúté dì kétuò.

⁶ Kè Anɔɔ keté ké n féúté dinaadaa o mómmuò nhò kó meyei nhũtímù kpéí nnè o cǐtè kàbe kòme, ⁷ kédeè kétúóté yebòdakè yèdéè ké yè cònné metaummè tou bòrìnuù, ⁸ kètāũ tété kéyà dìi yó ntú n kperi nè bè yóó fĩĩnko dì kè dìi ta dikpǎá. ⁹ Kè Anɔɔ n féúté n kperi meyei nhũtímù kpéí, ¹⁰ kétúóté bè yóó tanné dì dikpǎá kécónné metaummè tou ìkè, kédòò meyei ncǐémme kó ikuó kédeè kè bèe dì tanné dikpǎá tédòntè.

¹¹ De kó difònkúò kétúóténí dinaadaa o mómmuò nho yei nhũtímù kpéí nnè o cǐtè kàbe kòme kpéí nké dì nni mbenke kédòò meyei nhũtímù kó ikuó ké dì nni nféúté. ¹² Kòò dèe wèe túóté tesòsékébuute, kékouté yehāākūš ndiwũštònni dìi bo metaummè tou ìkè kéānné de mieke, kényētè tihúúnti dinacekutiri mèdémè, ké dè tanné demou metaummè tou kó kufǎá nkuyààkù kpetí kù, ¹³ kétuò ntihúúnti metaummè tɔu ikuó nentì ā dè ìkè, kè kuyukúu dátínné di ñnkè nè di pòkù, kè dèe yie nkòò báá kú. ¹⁴ De kó difònkúò kèpòòtè dinaadaa kó meyĩ nkémieté metaummè tɔu kó kupòkù diyie

yièní kèè bíkè mèmáà, di ìkè mèyiekè. ¹⁵ De kó difǎnkúò ké n féúté kubotí kó meyei nhūtímù kó dibòdaà, kètanné di yǐ nkuyààkù kpetí kùù fǎá nkédòòné di yǐ nhò do dòòmè dinaadaà kǒme kémíété metaummè tou pòkù fǎnkúò nè di ìkè, ¹⁶ kédòò meyei nhūtímù kó ikuó kufǎá mmièke. Isidayeeribe caàrìmè kpéi nnè be yetírímè n kpeti nè be caàrìmè, ke múnkèe me ndòò metaummè tou dimou ke yé di bomè benitibè bèè sǐ mbe cuokè. ¹⁷ Òmòù bá mbo metaummè tou mièke ò tati dìi mǎnni ke bo dòò meyei nhūtímù kó ikuó, nè ò bo tamè káyènnènni, kòò dòò o mómumuò nho kó meyei nhūtímù kó ikuó nè o cǐtè kǎbe kǒme nè kubotí kǒme kpéi nke dèè. ¹⁸ Wèe yènni kékòte diwũštònni dìi bo metaummè tou ìkè ké di dòò meyei nhūtímù kó ikuó, kéwáà ndinaadaà nè dibòdaà kó meyǐ nkémíété diwũštònni bàkè kéfíté, ¹⁹ kèpòtè o nóm̃bii de kó meyǐ nkémíété diwũštònni kuce mèyiekè ké di wénkùnnè Isidayeeribe kó meyei mmèè do di sǐnkùnnè.

²⁰ Kòò wénkùnnè dìi mǎnni metaummè tou kufǎá nnè ditou dimou nè diwũštònni ke dèè, bèe túóténì dibòdaà dìi kpaá ke fòù. ²¹ Kè Anò nǒ nho nou di yuu ìnkè nè Isidayeeribe bemou kó diyètìrì, káyie mbe caàrìmè nè bè yetírímè n kpeti, ké di tóu nde kó meyei nkédeè ké di dúò nhonitì bè tǎátè wè kòò di tanné dikpáà. ²² Kè dibòdaà tǎ be yei memou kètanné dikpáà tedòntè ke dèè. ²³ Kè Anò kòte metaummè tou kédèite mupààkonkperímù kó tiyààtì, ò do ānné tì kètanné metaummè tou kó kufǎá, ké tì dǒú ndeborè, ²⁴ kécómmù dibòrì bè tǎátè

dì kéwuò kéwēte kédáátí o yààtì tètì káyènní kékote ké n féúté fēḏfē kētuò nké n féúté kubotí kofe kētuò, kédòò mèyei nhūtímù kó ikuó, o mómumuò nho kpéi nnè kubotí kpéi, ²⁵ kētuò nyiwūḥ bè n kùò ì mèyei nhūtímù kpéi nyi kó mekùò ndiwūḥtònnì ìnkè.

²⁶ Wèè do tanné dibòdaà dikpáà tēdōntè kòò óú o yààtì kéwuò ke né na kéta Isidayēeribe kari. ²⁷ Dinaadaà nè dibòdaà bè do n féúté dè mèyei nhūtímù kpéi, nkétannè meyi mmetaummè tou kédòò mèyei nhūtímù kó ikuó, bēe dè dēnne Isidayēeribe kari kētuò nde kōntì nè de maa nnè de piti. ²⁸ Wèè dè tūò nwèe óú o yààtì kéwuò, ke né na kéta Isidayēeribe kari.

²⁹ De yó ntú ikuó nyi di kpéi nsáà, dibenni tǎnkù oyienwè kó diyie pínnì, di níí boú dinùù di báá pī mmutōmmú mamù, diheì yembè nè bepòḏbè dimòu. ³⁰ De yiè ndi bè yóó di dōòmè mèyei nhūtímù kó ikuó ké di wénkūnne di yei memòu. ³¹ De yiè yó ndōnnè tēom̄pùtè kperi ndi di kpéi, kè di níí boú dinùù. De kó ikuó yó mbomu sáà.

³² Ikuó niùtì bè cǎnné wè koò còu mmekùò nkòò cōutè o cice kó difòtìrì, wèè níí yóó dáátì ikuó yààtì mupaàkonkperimù kpēti kédòò mèyei nhūtímù kó ikuó. ³³ Wèè níí yóó dōò ikuó kéwénkūnne metaummè tou kó kufáà nnè di mómōnni nè diwūḥtònnì wèè níí yóó dōò ikuó kéwénkūnne ikuó niùbè nè kubotí kumòu.

³⁴ Dè yó ntú ikuó nyi di kpéi nsáà kè di níí ì dōò kuce memáà dibenni miēke. Isidayēeribe bēmòu kó mèyei nhūtímù kpéi.

Kè Anṣo dṛò Mṛyĩisi ò nàké tì timṣu.

ISIDAYẸẸRIBẸ CĀĀMMẸ KẸ TÚ KUYIE NKṖBE

17

Mùù te kè Isidayẹẹribẹ í dò nkẹ nyo mmeẸyĩ

¹ Kè tì Yìè nKuyie nni nsṓké ku náàntì kénáké Mṛyĩisi kẹ dṛò: ² Náké Anṣo nè o bí nè Isidayẹẹribẹ kẹ dṛò: Mí ndi Yìè nKuyie n tú:

³ Di miẹkẹ kòò mṛù fèúté fẹnààfẹ yoo fẹpièfẹ yoo tebuṣtè di karì, yoo ò dẹ yènnè di karì kẹ dẹ fèúté, ⁴ kòò í dẹ kàtenèní metaummè tou ìkè kẹ dẹ nni mbenkẹ, dẹ doti o yuu ìnkè nkẹ, di ò dènne Isidayẹẹribẹ miẹkẹ. ⁵ Kè di níí dṛó kẹ n fèúté dẹ, dí dẹ tṛnì kédúṣ nyikuṣ nìùtì metaummè tou bṛrìnùù, kòò dẹ nni fíé metaummè kpéí, ⁶ kécóú mmeẸyĩ ndiwũṣtṛnnì ìnkè dii bo metaummè tou ìkè kétuṣ mmeḱuṣ ndipānnì ndi dii kó kufṣṣku n naati. ⁷ Di bá m bútínné kénfeu iwũṣ sibṣṣtenḱaanì sù dṛ nyebṛdakè. Dẹ kó ikuṣ yó mbomu sṣṣ di kpéí nnè di yaḁbío.

⁸ Á tì mbè nàké kẹ bẹ kóò mṛù yoo bẹpṛḁbè bèè bẹ bonè, kòò mṛù n fèúté fẹḁfẹ kẹ tṛṣ nyoo ò baà fè nni nfèútému, ⁹ kẹ í fè kàtenèní metaummè tou bṛrìnùù, kẹ fè nni nfèúté bèè ò dènne Isidayẹẹribẹ miẹkẹ.

¹⁰ Di miẹkẹ kẹ di kóò mṛù di meẸyĩ nyoo bẹpṛḁbè bèè di bonè kẹ bẹ kóò mṛù mè di, bá mùù botí kó meẸyĩ, m miẹkẹ bo ò yè, kẹ nh ò dènne Isidayẹẹribẹ miẹkẹ. ¹¹ Kẹ yé mufṓmmu bomè meẸyĩ mmiẹkẹ nkẹ. Dèè te kẹ n yé ndí mme ndṣṣrinè ikuṣ diwũṣtṛnnì ìnkè di yei nhũtímù kpéí, kénfòù, meẸyĩ mmeè ṣ nte

kòo nìtì wenke. ¹² Deè te kè n tu díndi Isidayeeri nè bepòbè bèè di bonè, di bá nyo meyi.

¹³ Kè Isidayeeri yoo opòò wèè di bonè, kòò kàte kupaaawá nke kùò tēhontè yoo tēnòtè di yo ndè, wèè yóu kè de yi nyè kòò mè dàtinné mutáá. ¹⁴ Kè yé bá dè de fōmmu bomè de yi mmieke nke. Deè te kè n tu díndi Isidayeeri di báá di fēfē mafè kó meyi, bá dè de fōmmu bo de yi mmieke nke, kè wèè di meyi mbèè ò deite Isidayeeri mieke.

¹⁵ Bá wè diheì yìè nyoo opòò kòò di dèè ku, yoo musimmù pī ndè wèè óú o yààtì kéwuò, ò sīntemu de yìè kēntò kētukēnē kuyuoku. De kó difōnkúò ò tēnke í sī. ¹⁶ Kòò me nyí óú o yààtì ò me nyí wùò de kó meyi mbo o yuu ìnkè nke.

18

Kuyie nyeteme ti bo ndouneme bèè í tú ti pobè nè bèè í tú ti daabè

¹ Kè ti Yiè Kuyie nní nsaké ku náàntì kébéinnè Mōyiisi ke dō: ² Náké Isidayeeri ke tú n yē mmí ndi Yiè nKuyie mmí di te. ³ Di báá tūnne Esibiti kabe di do bo bèè cuokè be kó meborime nè Kannahāā n di kōrinè kēè tenkè kabe kōme nè be kuó. ⁴ N di náké ti dí ntí mpī nke tū n kuó. Mí ndi Yiè nKuyie mmí di te.

⁵ Dí ntū n kuó nè n tannò, wèè dōòri n kuó nè n tannò dè yēmmè, wèè yó nfòu. Mí ndi Yiè nKuyie mmí di te.

⁶ Di kòò mōu báá duónè nè wè bè tu meyi mmemáà kabe! Mí ndi Yiè nKuyie mmí di te.

⁷ Di mieke òmōu báá duónè o yā, kéfēikūnne o cice, ò báá duónè o yā kēyà o fēi.

8 Di kóò mǎù báá duónè o cice pokù kóò fèikùnne, o cice pokù nwe.

9 Òmǎù di miεke báá duónè o tǎũ, kè bè wě mbe yǎ yoo bá kòo yǎ yanto kou nwe. Kè bè ò pèité teciētè yoo bè ò pèité kupíkù makù, ò báá ò duónè.

10 Di miεke òmǎù báá duónè o birε kóo sapàà nyoo o kóo dapàà nkou, o mómumuo nho kóo sapàà nwe.

11 Òmǎù báá duónè o tǎũ nè wè bè wě mbe cice, o cice birε nde, kòò tu o tǎũ, ò báá ò duónè.

12 Di kóò mǎù báá duónè o cice tǎũ, ke yé o cice nè o tǎũ bè tumè meyiĩ mmèmáà kabe mbe.

13 Di miεke òmǎù báá duónè o yǎ nantè yoo o yǎ kóo kóti nè o yǎ bè tu meyiĩ mmèmáà kabe mbe.

14 Òmǎù báá duónè o cice nantè pokù, ke yé o cice nantè pokù nwemè.

15 Di miεke òmǎù báá duónè o birε pokù, o kóo dapàà mpokù nwe, ò báá ò duónè.

16 Di miεke òmǎù báá duónè o nantè pokù. O nantè pokù nwe, ò báá ò duónè.

17 Di kóò mǎù báá duónè onitipòkù mǎù kéwēte kéduónè o kóo sapàà nyoo o kóo dapàà mbirε, bè tu meyiĩ mmèmáà kabe mbe, dè tu isake nyi.

18 Di miεke òmǎù báá túóté o pokù nantè yoo o kóo kóti, kòo pokù kpaá ke fòu kè bèe yante.

19 Di miεke òmǎù báá duónè onitipòkù ò yùó ndiì mǎnni, ò sǐmmu.

20 Òmǎù báá duónè otǎù pokù, kòò ò duónè ò sǐntemu.

21 Di miεke òmǎù báá féuté o birε dibǎò Mǎdǎki kétuǎ kécake n yètìrì. Mí ndi Yiè nKuyie mmĩ di te.

22 Di miεke òmǎù báá duónè onitidòu bè dounè mèè botí onitipòkù. Dè tu isake nyi.

²³ Di miεke òmòu báá duónè fεðfε kēsĩnkùnne omáà, onitipòkù me mbáá yóu kè fεðfε ò duónè. Dè tu isòke nyi.

²⁴ Di báá sĩnkùnne dimáà nè de kó meborime botí, yebotè yèè bo di ìkè n yóó beti yè, yè me ndòò ke sĩnte. ²⁵ Dihei di mómmōnni kè di sĩnte kè ndi poté, di yei nkpréi nkè di tó di nìtìbè.

²⁶ Díndi mpĩ ndi nàké tì nè n kuó. Dihei yembè nè bepòòbè bèè di bonè be kóò mōu báá dōò de kó isòke.

²⁷ Ke yé bèè di niiténèní de kó dihei miεke bè i ndòò, kè dihei sĩnte. ²⁸ Kè di dōò de kó isòke dihei múnke yóó di tōmu di tó mēè botí bèè di niiténèní. ²⁹ Kè wèè dōò de kó isòke botí, bèè ò dēnne Isidayεeribe miεke.

³⁰ Mpĩnnè n kuó ke báá dōò de kó isòke bèè di niiténèní bè do dōòrì ì. Di báá sĩnkùnne dimáà. Mí ndi Yiè nKuyie mmũ di te.

19

Kuyie ndó ti mpĩ mmèè botí ku tōmmú

¹ Kè ti Yiè nKuyie nni nsóké ku náàntì kébéinnè Mōyiisi ke dō: ² Náké Isidayεeribe bemou ke tú:

Mí ndi Yiè nKuyie mmũ di te, ndōnnè mpáíí, ke yé n dōmmè páíí nwe.

³ Bá wè, wè ndé o yō nè o cice kéntũ n di nàké tì tēomputè kó diyìè kpéí, mí ndi Yiè nKuyie mmũ di te.

⁴ Di báá duó ndimáà yebókè, di báá yiè ntimáti kéuté sibōatenkaanì, mí ndi Yiè nKuyie mmũ di te.

⁵ Kè di yó m pā fεðfε metaummè kpéí ndi fè nni mpā dè bo yiennèmè kè n fè cōuté. ⁶ Kè di fè nni nfèuté di fè cāáké de yiè nè dè bo wentémè, kè fè

kpaá ke tùòkenè diyìè tǎǎnnì di fè tùò. ⁷ Kòò mǎù fè càáké diyìè tǎǎnnì, de yiè n ténke báá ò cǒuté, dè ò sǐnkùnnemu. ⁸ Kè wèè ì càáké weè tǒ de kó meyei, nke yé ò í ì wènté ke dò mbè ì nni mpá. Bèè ò dènnè Isidayeeribe mieke.

⁹ Kè di ní dèite di paa nkó tidiiti di báá taunnè tì bo di paa mmànkú, kè di dèite di diiti ke dèè di báá kónté kédérí. ¹⁰ Kè di me ntǒũ detie mbè tu dè fínyĩ de be nye, di báá kónté kètānké yebe yèè duò yoo dí dérí. Di ní yè yóu beçiribè nè bepòðbè kpéí. Mí ndi Yiè nKuyie mmĩ di te.

¹¹ Di mieke òmǎù báá yúúkú o kou, yoo wèè ò souté yoo wèè ò ciité. ¹² Di ní báá parikè nè n yètìrì ke né sóú, kè di dǎò memme di cààrè n yètìrì ndi mí ndi Yiè nKuyie.

¹³ Di mieke òmǎù báá ciité otǎù kédì o kperè, ò me mbáá ò yúúkú, otǎntì kó tiyeti me mbáá wenté di kóò mǎù borè. ¹⁴ Di mieke òmǎù báá sǎá ndiǎnnì, òmǎù me mbáá dǎú mmedímmè kuyũǎnkù kó kuce mieke. Di nni ndé. Mí ndi Yiè nKuyie mmĩ di te.

¹⁵ Òmǎù báá beké tibeéntì meyei. Mebatimè bá mbo, òmǎù báá kónné ocĩrì, òmǎù me mbáá yǒte okperì. Bá wè ò ní beké tibeéntì tì dò nwèè tì beké mèè botí. ¹⁶ Di mieke òmǎù báá wátí o kou, òmǎù báá tou nho kou tináǎntì kènte kè bèè ò kùò. Mí ndi Yiè nKuyie mmĩ di te.

¹⁷ Òmǎù bá nní nho kou tǎù, kè dè né dò nha ò kpānnè, a báá yóu a bo ò kpānnèmè kè dèè yie nkàa báá tǒ meyei mmamè. ¹⁸ Di mieke òmǎù báá peite yoo ò nhu o kou medǎmmè, bá wè, wè ndó o kou tǎù ò dǎ mèè botí omáà. Mĩ tu di Yiè nKuyie.

19 Di ntũ n kuó, òmòu di miεke báá yóu kòo wũ ìì cǎǎ nkubotí kè ìì deke itǎbè, òmòu báá buotí kupaku kùmáá idibotí idéi ìì cǎǎ. Òmòu di miεke níí báá dáátí tiyààtì tìì dùòkenè mupaàkómmú mùù cǎǎ nyibotí.

20 Kòò mòu duónè kudaakù, kè dè sǎ nhòmòu kù cē, ò mε mmu nyí wēte ke kù donté ku yiè mborè ku yiè mme mmu nyí kù fīī, nwèe yietí kǎfǎǎ, mbè mε mbáá bè kùò, ke yé ò do kpaá túmè kudaakù nku. 21 Wèe waá ndipedaà mēyēi nhūtímù kpéi, ké di kòtenení metaummè tou bòrìnnù. Mēyēi nhūtímù kó fēǎfē nfe. 22 Kè ikuó nìùtìì dǎd de yiè mmeyēi nhūtímù kó ikuó kè nh ò cǎē mmeyēi nhò dǎd mè.

23 Kè di ta dìì mǎnnì Kannahǎǎ kó dihéi ke fiúkú detie nde botí de botí dēē pēi, dē pēi yēē be yó ntú yēsīnye nye di kpéi yēbie nyētǎātì di bá nyè yo. 24 Dibenni naannì kè dí ānné dibanni ké n dǎunne mutōmmú ké yè nni mpā yemou. 25 Dibenni nummuri ndi di yóó dimè de be, ké yè dèite ké yè ntú di kpeye. Mí ndi Yiè nKuyie mmū di te.

26 Òmòu báá cááké fēǎfē bè í fēúté fē kè fē yīī ncòú. Òmòu bá mpāū yoo wè ndǎori denitinònkperε. 27 Di níí báá kuó kǎciúté, di mε nníí báá kuó di nucití kǎsoó nfeǎēnfē. 28 Di níí bá ndǎori ikúsié ke yóú dimáà, di bá ndóú dimáà. Mí ndi Yiè nKuyie mmū di te.

29 Òmòu báá duó nho birε tebǎcǎētè kénte kè dēē tūnne yebakè, kénte kè dihéi dimouu nde dǎunè ke dǎori isoke kperε. 30 Dí ntũ ndi nǎké tì teomputè ìnkè, kémmake metaummè tou kó kufǎwáá.

31 Di bá nkǎrì bèè bourí tinùbootì nè bepǎābè borè, dè di sǎnkùnkumu. Mí ndi Yiè nKuyie mmū di te.

³² Kòò kótì ní tùðkení á íté kóò feí ndikàrì kéndé odakótì nè dèè mièkè nke di bo benkemè kè dò ndi n dé, mí ndi Yìè nKuyie.

³³ Kòò pàò kàtení kè di bonè di bá nhò cií. ³⁴ Opàò wèè di bonè dí nhò wùó nke dò ndi kou, ké nhò dós di dós mèè botí dimáà, kè yé di múnke do tùmè bepàòbè mbe Esibiti. Mí ndi Yìè nKuyie mmî di te.

³⁵ Di dā̀rì mē ntú mēè wenni demou mièkè. Kè di dós diì mōnnì kēbenné dēmarè dè pēkūmē yoo dè cḗkù dí benné kè dè nwenni. ³⁶ Di biepeé nè di cìdòòbè dè ní ntú dēè wenni, kè dí benné kè dè nwenni. Mí ndi Yìè nKuyie mmî di te, kè di dēnnēnì Esibiti.

³⁷ Dí mpī n di nàké tì timou nè n tié nyimou, kéndā̀rì dè yēmmè. Mî tu di Yìè nKuyie.

20

Kuyie nyí dómè tí nfeu yebàkè

¹ Kè ti Yìè nKuyie nyí kénáké Mōyiisi kè dō: ² Náké Isidayēeribe kè tú, kè di kóò mōu yoo opàò wèè di bonè kòò fèúté o birē dibā̀ Mā̀dā̀ki bēè ò kùā̀. Dihèi yembèè ò bùótí yetārè kēkuā̀. ³ Kòò mōu mē dā̀ mí m mómumu m mièkè yóó ò yēmu, kè nh ò dēnne o kōbe mièkè. Kè yé ò fèútémè o birē dibā̀ Mā̀dā̀ki kè sīnkūnne metaummè tou, kè cā̀ke n yetisā̀rì. ⁴ Kè di hēi yembè bùútóo dè kpēti, kè í dós kóò kùā̀. ⁵ Mí m mómumu mmî mièkè yóó ò yè, wenwe nè o fuku kumu, kè m bē dēnne bē kōbe mièkè, nè bēè kó dimā̀ ò tūnne kè fié dè kó dibā̀.

⁶ Kè wèè bütinné mí ndi Yìè nKuyie nke kārì bēè bourí tinubootì nè bepā̀ā̀bè borè, m mièkè yóó ò yēmu kè nhò dēnne o kōbe mièkè.

⁷ Ncáánnè kẹ̀ dò mpáí páí mí ndi Yìè nKuyie mmî di te.

Kuyie nkuó yete dè

⁸ Dí ntũ n tié nke ndoari n yemmè mí ndi Yìè nKuyie mmî di tãáté kè di cáá.

⁹ Wèè sàá nho cice yoo o yǎ bèè ò kùò. Ò kùò omáà ndi kẹ̀ yé o sáámmè o cice nwe yoo o yǎ.

¹⁰ Kè wèè duónè otòù pokù bèè bè kùò bédé, wenwe nè de kóo nitipòkù.

¹¹ Kòò mǎù duónè o cice pokù bèè bè kùò bédé wenwe nè de kóo nitipòkù. Bè kùò bemáà ndi.

¹² Kè wèè duónè o birẹ pokù ò dǎò isọke nyi bèè bè kùò. Bè kùò bemáà ndi.

¹³ Kòò mǎù duónè onitidòù bè dounèmè onitipòkù, bè dǎò isọke nyi, bèè bè kùò bédé. Bè kùò bemáà ndi.

¹⁴ Kòò mǎù po onitipòkù kẹ̀ wète kẹ̀ tùóté de kóo nitipòkù yǎ, isọke nyi bèè bè cǔu nwenwe nè de kóo nitipòkù kédèite isọke di cuokè. Bè kùò bemáà ndi.

¹⁵ Kòò mǎù duónè fèǎfè bèè ò kùò kékùò de kó fèǎfè.

¹⁶ Kòò nitipòkù mǎù yóu kè fèǎfè ò duónè bèè ò kùò kékùò nè de kó fèǎfè. Dè kùò demáà ndi dèdè.

¹⁷ Kòò mǎù puoke o tǎũ kè bè cáá mbe yǎ yoo be cáá mbe cice, kòò ò duónè ifei kperẹ nde. Bèè bè dèite be botí kabe mieke bá wè kòò nwúó, de kó meyi mbo be yǎ ìnkè nke.

¹⁸ Kè wèè me nduónè onitipòkù ò yùó ndì mǎnnì, kẹ̀ yà o yǎnti bèè bè dènnẹ Isidayeriibe mieke. Kẹ̀ yé bè yémèmu bédé ò yùómmè kẹ̀ duó.

¹⁹ Òmǎù báá duónè o yǎ nantè yoo o yǎ kóo kótì yoo o cice tǎũ. Di tú meyi mmèmáà kabe mbe, kòò

mè dǎǎ bɛɛ yóó tǎ dɛ kó mɛyɛi. Wèè mè dǎǎ wenwe nè ò duónè wè bè tǎ bɛdɛ ndi dɛ kó mɛyɛi.

²⁰ Kè wèè puokɛ o cice nantè pokù yoo o cice kóo kótì kou bɛdɛ bɛɛ tǎ dɛ kó mɛyɛi. Bè bo kú bá bè í mǎǎtɛ debirɛ.

²¹ Wèè puokɛ o nantè pokù yoo o kóo kótì pokù ò sɪnkùnnɛ omáá ndi, bè báá pété debirɛ.

²² Dí mpí n di nàké tì timɔu nè n tié nkéndɔɔri dɛ yɛ mmù kè dɛɛ yie nkè dihɛi n di kərinè dì báá dì tǎ.

²³ Dì báá tǔnnɛ ibotí n yóó beti ì dɛ kó dihɛi miɛkɛ ì borimɛ, bè mɛ ndǎǎ kè m bè pɛ. ²⁴ N di nàkému kɛ tú:

Mí mómumu nyóó di duó ndɛ kó ketenkè, menaamiè nnè mɛcekùò ndè pǔǔ nkè.

Mí ndi Yìè nKuyie mmù di te kɛ di cǎnné nè ibotí tɛi.

²⁵ Mbaàtìnè tǔnké iwǔǔ, n yɛ ndí nyo nyi nè n yɛ ndí nci ì. Dì báá di n yɛ ndí nci kùù wanwankù yoo tɛè nàtè yoo dèè bambaànnè kəsɪnkùnnɛ dimáà.

²⁶ Ndònnè páíí, kénkáá nkɛ tú n kǎbɛ, kɛ yɛ mí ndi Yìè nKuyie ndòmmè páíí nwe, kè mǔ di cǎnnénè ibotí tɛi, kè di bo ntú n kǎbɛ.

²⁷ Dì miɛkɛ kòo nitidùù mǎù yoo onitipòkù tu opǎù yoo ò boorí tinubootì, bɛɛ ò bùótí yɛtǎrɛ kékuo. Ò kùò omáá ndi.

21

Ikuó ù tukúnè ikuó nìùbè

DÈÈNNÌ: Ikuó nìùbè bo nci dè

¹ Kè tì Yìè nKuyie nní nsǎké ku náàntì kénáké Mǎyiisi kɛ dǎ: Náké ikuó nìùbè Anɔ bí kɛ dǎ:

Ikuó nìùtì mǎù báá tóónnè o cǐètè kóo cǐ mǎù késĩnkùnnè omáà. ² Kè dè sàà í tú o cǐètè kou mómumu nwe. O cice yoo o yǎ yoo o birɛ yoo o nantè yoo o kóo kótì. ³ Nè o tǎũ wèè kpaá tɛcǐètè ke mu nyí yǐètè onitidòu ke yé ò mu nyí yenkemè, ò bo na kóò kàáké. ⁴ Wenwe wèè ni benitibè, ò báá dǎò dèè ci o cǐètè miɛke késĩnkùnnè omáà.

⁵ Ikuó nìùbè níí báá fenté fenté tiyùtì be yǎ ìnkè, yoo bèe kuó be nucitì késoó mbɛ dɛbìi, bè me mbáá dúóké bɛmáà. ⁶ Bè cǎámmu ke bo n kó mutǎmmú kpéí. Bè báá cake n yètìrì, bèè n feu iwũǎ bè m pǎã nyì. Nè de kpéí mbè dò nkéndò mpáíí nwe.

⁷ Dè cimu ikuó nìùtì bo puokemè onitipòkù wèè dǎuti dǎutinè benitidaabè yoo osapàà mbè càke wè, yoo onitipòkù wèè yenke ke yenté, ikuó nìùtì cǎámmu ke tú n kóo nìtì. ⁸ Di dò nkénwúó nyikuó nìùbè benitibè n tǎáté bèmbɛ n tǎmmú kpéí bè cǎámmu, ke yé bèè n feumè iwũǎ di m pǎã nyì. Dí mbè wùò mbenitibè bèè cǎá nke dò mpáíí. Mí ndi Yìè nKuyie mmìl bè cǎíné.

⁹ Kè ikuó nìùtì mǎù kóo sapàà ncàke omáà ke dǎuti dǎutinè benitidaabè ò ǎnné o cice nwe ifei, bèe cóu nde kóo sapàà.

¹⁰ Ikuó nìùtì diɛwè wèè baké besɔmbɛ, bè cóú nwèè yuu mɛkùò nkoò cǎíné kòò daati ikuó yààtì, ò báá yóu kòo yùtìi yéké ò me mbáá yóu kòo yààtìi kɛrí. ¹¹ Ò báá tóónnè ocǐ késĩnkùnnè omáà, bá kòo cice nwe yoo o yǎ. ¹² Ò báá yè metaummè tou, ò yàà bo di sǐnkùnnè mèè kpéí. Bè ò cóú mmekùò mme koò cǎíné mí nKuyie n kpéí. Mìl tu di Yìè nKuyie.

¹³ Wèe puoke osapàà nwèè mu nyí yé onitidòù.
¹⁴ Ò báá puoke okúpokù yoo wèè yenke ke yenté yoo wèè dauti dautinè benitidaabè ke càke omáà. Ikuós nìùbè botí miéke nke ò dò nkétããtémè osapàà nwèè mu nyí yé onitidòù, képuoke. ¹⁵ Ò yàà bo sīnkūnne o fuku. Mí ndi Yìè nKuyie mmî ò cāñné.

DEENNÍ: Bèè báá na kéntú ikuós nìùbè

¹⁶ Kè ti Yìè nKuyie nyíé kénáké Mòyiisi ke dò:
¹⁷ Náké Anṓ ke tú n yé nnè bè bo mbomè nè be yaabíó ikuós nìùtì wèè m̀̀ke kuyènkù ó bá n féúté fèḡfè yoo ò m pā tidiitì. ¹⁸ Kòò m̀̀ke kuyènkù bá kùù botí ò báá na kēpī nde kó mutōmmú, kòò tu kuyū̀nkù yoo dikpēnnì yoo dēmarè yeté o ì̀̀kè.
¹⁹ Kòò tààku kuù me nkèété yoo o bakù. ²⁰ Kòò tu tēhùtè yìè, yoo ò dò ndeçĩrè yoo ò ã dinəmpénnì yoo mekpā̀, yoo tēwū̀stè matè ã o kə̀ntì yoo o takuò mpònte. ²¹ Anṓ kó kufuku miéke ikuós nìùtì m̀̀u bá n féúté fèḡfè yoo ò m pā tidiitì kénsà kòò m̀̀ke kuyènkù, ò báá na kēpī nyikuós nìùtì kó mutōmmú.
²² De yìè mbo na kēdi bè m pā tìi diitì yoo bè m pā dè ke yēté ke tuṓ nke sùó. ²³ Ò me mbáá ta metaummè tou kuyààkù kpetí dè yoo wèè tóónnè diwū̀stònnì, ò tu kuyènkù yìè nwe, ò yàà bo sīnkūnne metaummè tou nè di nentì. N tú di Yìè nKuyie nku ke m̀̀i dè cāñné.

²⁴ Mēmme, kè Mòyiisii tì nàké Anṓ nè o bí nè Isidayeeriḡe səmbə.

22

TÃÃTI: Bèè báá di bè pā dè Kuyie

¹ Kè ti Yiè nKuyie nnáké Møyiisi ke dò: ² Náké Anɔɔ nè o bí, n yē nkòo nìtì nìí dòmme ò báá di Isidayeeribe m pã dè kēsĩnkũnne n yetisààrì. Mí ndi Yiè nKuyie mmũ di te. ³ Náké be ke tú, n yē mbe kó kufuku nè be yaábíó kè wèè sĩ nke kàáké bè m pã dè, bēè ò dēnne n kabe mieke mũ tu di Yiè nKuyie. ⁴ Anɔɔ kó kufuku mieke kè tikòntì pĩ nhòmòu yoo ò tùòti yefòtè kè mu nyí wenke ò báá di bè m pã dè. Dè me ndò nè wèè kàáké ocũ ke sĩnte nè wèè bo nduó kényenke nè omáà, ⁵ nè wèè bo kàáké debambaànnè marè kēsĩnte, yoo òmòu wèè kàáké dèè sĩ nkēsĩnkũnne omáà. ⁶ Kòò sĩnkũnne omáà mebotí ò sĩmmu kéntò kētuokenè kuyuoku. Ò báá na kédi bè m pã dè kémbaanè ò bo wuòmè. ⁷ Kuyuoku mǎnni ò wenkemu ò bo na kédi bè m pã dè ke yē ò kó mudii mmumè. ⁸ Òmòu di mieke báá di fèǎfè fèè ku yoo musĩmmu pĩ nfè. Kòò fè di ò sĩntemu. Mũ tu di Yiè nKuyie.

⁹ Bè ntũ m bè nàké ti kè dēe yie nkè bè báá di ikuó yete dè kètò de kó meyei, kè bè dè di, bè yàà bo kú. Mũ tu di Yiè nKuyie mmũ di cǎńné.

¹⁰ Kè bè m pã demarè wèè í tú ikuó nìtì ò báá dè di. Bá kè ikuó nìtì kóo pòò nwe yoo o kóo tǎntì ò báá dè di. ¹¹ Kè ikuó nìtì me ndonté kudaakù, kù bo na ké dè di kéndonnè bè peité kù tēcǐtè. ¹² Kè ikuó nìtì mǎke osapàà nkòò yenke wèè í tú ikuó nìtì ò báá na kédi bè m pã dè. ¹³ Kòò dǎu me nku yoo bè ò bėti kòò konní bá ò í mǎke debire, ke wētení ke bo o cǐtè ò do bè bonè ke dòmme. Ò bo na kédi o cice yo ntii diiti. Ikuó nìtì cǐtè kou í tú wè báá na ké ti di.

14 Kòò mǎu di bè m pǎ dè bá ò í yě, kè dè boní kòò yǐtétè wèe dè yietí ikuó nìùtì kénósò nkè dè mmànnè ò yietí dè kó yewétiyè yènùmmù kó dìmáà.

15 Ikuó nìùbè báá yóu kè bèè í dò nkédi bè m pǎ dè, kè bèè dè di. 16 Kè bè dè di, ikuó nìùbè bè toú mmeyei mme bèè yietí kéfósó. Mí ndi Yiè nKuyie mmú dè cànné.

Kuyie nyè mbè bá nkù feu ù wũ

17 Kè ti Yiè nKuyie nní nsáké ku náàntì kénáké Mǎyiisi kè dò: 18 Náké Anǎ nè o bí nè Isidayeyibe bemǎu kè tú n yě ndi miéke yoo opòò wèè di bonè, kè wèè dós kè m pǎ dipānni yoo ò dós kè n féúté fèǎfè kétuǎ nhò n dǎúnnè dii nùu kpéi nyoo kòò mē mbaa dós kè fè nni nféútému. 19 Kòò dós n cǎuté dè kó dipānni dè ntú dīnaadaa yoo dipedaà yoo dibadaà dèè kpa kuyènkù. 20 Kè di n féúté fèǎfè fèè mǎke kuyènkù m báá cǎuté dè kó dipānni. 21 Kè fèǎfè metaummè kǎfe nfe òmǎu dómè kè n féúté yoo ò dós kédèite ò n dǎúnnè dii nùu yoo ò baa dós kè m pǎ dipānni ndi, dè kó fèǎfè dò nkéntú di n feu fè nfe, kénkpa kuyènkù kè n né fè cǎuté. 22 Mí ndi Yiè nKuyie ndi bá n féúté fèǎfè fèè yěi yoo fè ā dikpēnni yoo bè fè fète yoo fè ā mēkpāā nyoo fè ā tifièti yoo fè ā yemuǎ. Di báá daá nde kó fèǎfè botí kó kumaa ndiwũtǎnni kéntú di kù nni mpā. 23 Di bo na kè n féúté diwèi kó dipānni: Fēnààfè yoo fēpièfè dèè mǎke kuyènkù yoo dè pusi yoo dè tààke okù kè tonté. Di mē mbáá dè nni nféúté di n dǎúnnè dii nùu kpéi, nkè di dè nni nféúté m báá dè cǎuté. 24 Di bá n féúté fèǎfè fèè kó yetakuò nta yoo bè fè fǎnte yoo bè yè kèété. Di kó dihèi miéke òmǎu báá dè dòò. 25 Kòò pòò mǎu

me ntóní de kó fèǝfè botí dí báá fè cǝuté ké fè nni nféúté, mí nKuyie mmî di te, kè bè fè fǝnte dè naá nkuyènkù nku, m báá fè cǝuté.

²⁶ Kè ti Yiè nKuyie nní nsáké ku náàntì kénáké Mǝyiisi ke dǝ:

²⁷ Kè fènáàfè yoo fèpièfè yoo tǝbuǝtè kè dè pǝité dǝbire dǝdaarè, dè mbo de yǝ borè ke dǝ yewe yèyiekè, diyìè nínnì yìè kè di dè nni nféúté, m bo cǝuté de kó dipǎnnì. ²⁸ Di báá ku dǝnaabire yoo dǝpǝbire yoo dǝbǝbire nè de yǝ diyìè dìmáà.

²⁹ Kè di dǝ ké n féúté fèǝfè ké n sǎnte dí fè nni nféúté dè bo yiennèmè kè n fè cǝuté. ³⁰ Kè di fè nni nféúté dí fè càáké de yìè, di báá súó nkè dèe wenté. Mî tu di Yiè nKuyie.

³¹ Dí mpî n tannò nkéndǝori yè yè mmù mî tu di Yiè nKuyie. ³² Di báá cake n yètisààrì díndi Isidayeeribe n dǝ dí nyému n dòmmè páíí mí ndi Yiè nKuyie mmî di càǎné. ³³ Mî di dènnení Esibiti kè di bo ntú n kǝbe. Mî tu di Yiè nKuyie.

23

Isidayeeribe kó yebaa

¹ Kè ti Yiè nKuyie nnáké Mǝyiisi ke dǝ: ² Náké Isidayeeribe bè yo mbaà nyèè baa n kpéí.

De kó yebaa mmieke di níí tíí nké n sǎnte. N yóó di benkemu de kó yemǎrè di níí yoo tíí nyè.

³ Di níí pî ndi tǝmmú yewe yèkuò mieke, diyìènnì tu tǝomǝpùtè nte. Di níí tíí nde yìè ké n sǎnte, de yìè di báá pî mmutǝmmú bá kè di bo kèè bíékè de kó diyìè tu n kǝri ndi.

⁴ Ntè yɛbaa nkó yemòrè tɛyè di ní yóó tí nyèè mièkè ké n sǎntɛ.

Diyentébanni

⁵ Dibenni tǎnkù ketiwè kó diyìè tɛpíítè nè dinaanni kó dihuri mǎnni yó ntú diyentébanni ndi.

⁶ Dɛ kóo tǎnkù omáà kó diyìè tɛpíítè nè dinum-muri yó ntú pǎ̀èbè bèè í kǎɔrɛnè mutie mùù muuti bɛ kó dibanni ndi. Dí nyo mpǎ̀èbè bèè í kǎɔrɛnè mutie mùù muuti kɛ dǎ yɛwɛ yèyiekè. ⁷ Diyìè ketirì yìè di tíí nké n sǎntɛ, dɛ yìè di báá pǐ mmutǔmmú. ⁸ Yɛwɛ yèyiekè mièkè ké nni mpǎ́a nyɛpǎ̀rè kɛ tuò. Diyìè yìènni kǐtíí nké n sǎntɛ, di báá pǐ mmutǔmmú.

Tidiketiti kó dibanni

⁹ Kè ti Yìè nKuyie nyíé kébéinnè Mɔyiisi kɛ dǎ:
¹⁰ Náké Isidayɛɛribɛ kɛ tú n yɛ nkè di ta dìì mǎnni dihei n di duó ndi kɛ kùúítí, kɛ dèi tidiketiti, di bou dibou kéduó nyikuó nùtì. ¹¹ Kòò dè nni mbenkɛ, kè dèɛ yìè nkè n di cǔutɛ. Tɛom̃pùtè yìè kó diwentétɛrì ndi ikuó nùtì yóó dè nni mbenkɛmè, ¹² ké n féúté dipedabii dìì mǎkɛ dibenni dimáà kɛ kpa kuyènkù kétuò, ¹³ kéwaá mmuyuo ncìdóòbè bèkuò ké mù àntɛnè mekùò, nkéwaá mmenaà mbè tumè difǎ̀è dítirì dikée kécóú ndɛĩnkè kétuò. N dǎkɛ dǎ dìì pǎnni ndi. ¹⁴ Di báá di di paa nkó tidiiti, di báá ti dǎ̀nè pǎ̀è, di mɛ mbáá ti pṹnnè kécááké, yoo dí ntì cáà ntibénti kɛ í keté kɛ dè bou dibou kɛ m pǎ. Dɛ kó ikuó yó mbomu sǎ̀a nè di yaàbíó bá kè di bo kùù píkù.

Dididèlbanni

15 Kè di níí m pã tidipàntì diì yìè, di báá kaa nde kó diyìè kè dèè wenté kè di keté kékkaa nke dò seménnìbè bèyiekè, 16 Seménnì oyiénwè wenwe kó tɛm̀p̀ùtè yìè, dè yóó mbo yewe sipísìnùmmù ndi, kè di m pã tidiitì. 17 Dè yìè bá wè wèè waá ntidipàntì kó muyuo nsààmù cìdóòbè bètāāti kédòònè p̄éèbè bèdébè kékòorenè mutie mùù muuti kè di tɔnì dè kó dipānnì ké m benke. 18 P̄éè kó difɔ̀nkúò kè dí n féúté yepedabe yèyiekè yèè m̀òke dibenni òmáà òmáà, ke kpa kuyènkù nè òmáàdipānnì òmáà nè yepedakè yèdèè ké yè wènnénè tidiitì di m pã tì, ké dè còu mmènaà mbè tu mè dif̄éè kétuò, dipānnì ndi diì kó kufɔ̀ɔku n naati. 19 Kè di dèè dí waá ndibòdaà mèyèi nhū́tímù kpéí nnè yepedabe yèdèè yèè m̀òke dibenni òmáà òmáà ké n féúté metaummè kpéí. 20 Kè ikuó nìùtì dè nni mbenke ké dè nni nféúté metaummè tou borè, kèwènnénè tidipàntì kóo p̄éè nè yepedabe yèdè. Dè tu n kperè nde bè m pã dè ikuó nìùbè yóo nte dè. 21 Dè kó diyìè kətíí nké n sante, dí báá p̄í mmutōmmù dè yìè. Dè yó ntú ikuó nyi di kpéí nsāà nè di yaábíó bá kè di bo kèè bíékè.

22 Kè di dèi tidiitì di báá dèite ketaunnè tì bo di paa mmànku, di mē mbáá kónté kédérí, dí tì yóu bɛc̄iribè nè bɛp̀òòbè kpéí. Mí ndi Yìè nKuyie mm̄i di te.

Siheú kó dibanni

23 Kè tì Yìè nKuyie nnáké M̄oyiisi ke dò: 24 Náké Isidayɛeribɛ ke tū:

Dibenni tãnkù yienwè kó diyìè ketirì níí yó ntú tɛm̀p̀ùtè nte, di níí tíí nké n sante nè tipíétì nè siheú.

25 Dè yìè di báá p̄í mmutōmmù, dí n féúté fɛ̀ɔ̀fè kétuò.

M̄eyi nhū́tímù kó diyìè dièrì

26 Kè ti Yìè nKuyie nyíé kénáké Mòyiisi ké dò:

27 Otànkù yíénwè yìè pínnì yó ntú mēyēi nhūtímù yìè ndi, di níí tíí nké n sǎnte, kéboú dinùù ké n féúté fèǎfè kétuò. 28 Di báá pĩ mmutōmmú mamù de yìè mēyēi ncǐēm̀m̀ kó diyìè ndi, bè yóó di dǎò di mēyēi ncǐēm̀m̀ kó ikuó kè n di cǐē mmí ndi Yìè nKuyie. 29 Kè wèè í boú dinùù de yìè bèè ò dènnē o kǎbe miēkē. 30 Kè wèè pĩ mmutōmmú de yìè m bo ò dèite o kǎbe miēkē. 31 Di báá pĩ mmutōmmú de yìè dē yóó ntú ikuó nyi di kpéí nsǎà bá kè di bo kèè bíékè. 32 De kó diyìè yó ntú n kp̄eri ndi, otànkù yìè wéinnì kó kuyuoku nku di yóó boúmè dinùù kéntò kétuòkēnè diyìè t̄erì kuyuoku.

Dibanni bè tu dī titouti kp̄eri

33 Kè ti Yìè nKuyie nní nsǎké ku náàntì kénáké Mòyiisi ké dò: 34 Náké Isidayēeribe ké tú n yē nhotànkù yíénwè yìè t̄epíútè nè dinummurì di níí ãnné titouti kó dibanni ké n sǎnte, kè di mbo ké dò yēwe yēyiekè. 35 Diyìè ketirì yìè di tíí nké n sǎnte, de yìè òmòù báá pĩ mmutōncēēm̀m̀. 36 Yēwe yēyiekè yenyē miēkē, bá di di níí n féúté fèǎfè kétuò. Diyìè níinnì yìè k̄etíí nké n sǎnte ké n féúté fèǎfè kétuò. Di báá pĩ mmutōncēēm̀m̀ dibanni denni dī yìè.

37 Kè ti Yìè nKuyie ndò: M mē ntǎāté yèè we di níí yóó yē ntíí ké n sǎnte, ké n fié iwũō kétuò ké m pǎ tidiitì kó yēpārè, ké n fiénè iwũō metaummè kp̄eyi, kécóú mm̄enaà nkétuò k̄éntũ mbá dī yìè di kuó dòmmè. 38 Kē né yíénè iwũō di n feu ì siom̄p̄usi

kó yewe nè yepārè di m pãã nyè nè iwũs di n feu ì, di n dɔunkonè yèè nò kpéí nnè yepārè diwèi kpeye.

³⁹ De kó difɔnkúò otànkù yiénwè kó diyìè tɛpítè nè dinummuri kɛ sɔ́ ndi dèitɛ di diiti kɛ dèè, dí ãnné titouti kó dibanni ké nni nsántí kɛ dò yewe yèyiekè. Dibanni yìè ketirì nè diniínnì yó ntú tɛomputè ntɛ. ⁴⁰ Diyìè ketirì, dí waá nyetebɛ sààyè nè tipuonti nè kukó nkó titieti, kényǎnku metaummè tou di Yìè nKuyie nyìkè kɛ dò yewe yèyiekè. ⁴¹ Dibenni mièkɛ di níí ãnné dibanni ké nni nsántí kɛ dò yewe yèyiekè. Dè yó ntú ikuó nyi di kpéí nsáà nè di yaábíó. Dibenni tǎnkù yiénwè mièkɛ nke di níí yóó ãnnémè dɛ kó dibanni. ⁴² Isidayɛɛribɛ di níí yó mbo titouti mièkɛ nke kɛ dò yewe yèyiekè. ⁴³ Kè dɛɛ yie kè di yaábíi banté kɛ do ndi dò ã titouti mièkɛ nke, n di dènnenì dìi mǎnnì Esibiti. Mí ndi Yìè nKuyie mmù di te.

⁴⁴ Kè Mɔyiisii náké Isidayɛɛribɛ yemàrè bè yó mbaà nyè ti Yìè nKuyie nkó yebaa.

24

Bè bo mpí mmè botí metaummè tou kó tɛfitíkèkètè

¹ Kè ti Yìè nKuyie nnáké Mɔyiisi kɛ dò: ² Náké Isidayɛɛribɛ kè bè da duó nhodífiè kó mɛkòsààmè di bo ntuònnèmè tɛfitíkèkètè dɛyuo ndemou. ³ Kè Anɔ tɛ Ínné metaummè tou mièkɛ kuyàðkù kùù pì metaummè tɔu ñkú dè ku ìkè, kè tɛ níí nyiè nke cóú mí ndi Yìè nKuyie n yìkè kéwenténè. Dè yóó ntú ikuó nyi di kpéí nnè di yaábíó sáà. ⁴ Anɔ yóó dɛ nyínné tɛfitíkèkètè mɛsɔ nsààmè kpɛtɛ kécǎnné tɛ búkúsí kè dè níí ncóú nkeyènkè kemou n yìkè.

Pě̀èbè bẹ̀ yó mpāā mbẹ̀ Kuyie

⁵ A waá mmuyuo nsààmù kédòònè pẹ̀èbè tẹ̀pítè nè bẹ̀débè bá wèè pẹ̀è kòo yuo ncéékù mbo cìdòòbè bẹ̀kuò. ⁶ Kàa bẹ̀ daá mmesò nsààmè kóo tábùrì ìnkè icuó idéì bẹ̀kuò bẹ̀kuò mí ndi Yìè nKuyie n yìikè, ⁷ kécóú mbá kùù cuó ìnkè tihúúntì sààtì bẹ̀ yóó tuo ntì, kè dèe benke pẹ̀è omou túmè mí ndi Yìè nKuyie n kou.

⁸ Bá tẹ̀è om̐pùtè nte bẹ̀ níí yóó daámmè de kóo pẹ̀è mesò nsààmè kóo tábùrì ìnkè mí ndi Yìè nKuyie n yìikè. Díndi Isidayeeribe di dò nké mme ndòori sáá. ⁹ Anò nè o bí beè yó nte de kóo pẹ̀è, bẹ̀ níí nkari metaummè tou kó kudànkù kè bẹ̀ càáké ke yé bẹ̀ bẹ̀ nni mpāmèmu kè beè cāá nkè beè dò nké bẹ̀ di. De kó ikuó yó mbomu sáá.

Bẹ̀ dò nkédòòmè wèè sáá nKuyie nè wèè bo poté otòù kékuo

¹⁰⁻¹¹ Danni kóo nitipòkù mọ̀u weè do bo Isidayeeribe cuokè kòo yètìrì tu Dibidi, kòo pẹ̀itè osapàà nkòo yètìrì ntu Sedomii, kòo pẹ̀iténè Esibiti kou mọ̀u odapàà. Diyìè marì kè dè kóo dapàà nnè Isidayeerì kou, kè bẹ̀ nkpa nkè de kóo dapàà nsáá nKuyie, kè bẹ̀ ò kàtenè Mọ̀yiisi borè. ¹² Kè bẹ̀ ò kànnè kè nhò bàa ke kèmmúnè ti Yìè nKuyie mbo bẹ̀ nàkémè bẹ̀ dò nkóò dòòmè.

¹³ Kè ti Yìè nKuyie mbéinnè Mọ̀yiisi ke dò: ¹⁴ De kóo dapàà wèè n sáá mmí nKuyie, á ò dènnè Isidayeeribe karì, bẹ̀ kó dimàà kèè ò n sáámmè mí nKuyie nkè bẹ̀e nọ́ mbe nou o yuu ìnkè kè Isidayeeribe bemouu ò bùótí yetà̀rè kékuo. ¹⁵ Kàa

náké Isidayεεribε ke tú n yě nkè wèè n sǎǎ mmí nKuyie nkùù ò te weè tɔ de kó meyei. ¹⁶ Kè wèè n sǎǎ mbè dò nkóò bùótí yetárè nye kékuo, kòò tu opòò yoo dihei yiè nke né n sǎǎ mbèè ò kùo.

¹⁷ Kè wèè poté otòù ke kùo, bèè ò kùo. ¹⁸ Kè wèè kùo otòù kó fèðfè wèè ò yietí fèfòùfè.

¹⁹ Wèè kòùte otòù bè múnkeε ò kòùte. ²⁰ Wèè kèété otòù kóù bèè kèété o kperi. Kè wèè kpéété otòù nònfè bèè kpéété o kofe. Kè wèè feuté otòù nìnni bèè feuté o kperi. Kè wèè ãnné otòù kuyènkù bèè kù nhò ãnné múnke.

²¹ Kè wèè poté fèðfè ke kùo wèè yietí káfóó, kè wèè poté onití ke kùo bèè ò kùo.

²² Di bekùnè mèè botí dihei yembè di yó mme mbekùnè bepòòbè. Mí ndi Yiè nKuyie mmí di te.

²³ Mòyiisi tì nàké dìi mònñi Isidayεεribε kè bèè denne de kóo dapàà nwèè sǎǎ nKuyie mbε kari kóò bùótí yetárè kékuo. Mèmmε bè dòòmè tì Yiè nKuyie nnàké tì Mòyiisi.

25

Dibenni ketenkè bo om̀pè di

¹ Kè tì Yiè nKuyie mbéinnè Mòyiisi Sinaii tārì ìnkè ke dò: ² Náké Isidayεεribε ke tú n yě nkè di ta dìi mònñi dihei n di duó ndi, dí soó mmukútímù, kè ketenkè om̀pè kè dè ntú n kó disānni. ³ Dí nkuuti ke dò yebie nyèkuò, kémbuotí di diiti, kèpienko fínyĩ kó detie nke tōũ de be. ⁴ Dibenni yiènni mieke ketenkè kó diompùbenni ndi, di báá buotí, di me mbáá píe nfínyĩ kó detie. Dè yó ntú n kó disānni ndi. ⁵ Kè tididenti yè di báá tì dèite, bá nè di í me mpièmmè di tie nkè dè pèité, di báá tōũ de be, ketenkè om̀pùbenni

ndi. ⁶ Dí nyo ntidententi díndi nè di kó tidaatì nè di kó betōmbè nè bepòbbè bèè di bonè. ⁷ Nè de kó tidiiti miεke nke di wūō yóó pétémè kédi nè dihei kó tiwanwantì timōu.

Tidaatì fīmmù kó dibenni

⁸ Di níi kaà nyēbie nyēyiekè yēyiekè kuce mēyiekè. De kó yēbie nyó mbo yēbie nsipísìnàà nè yēwēi ndi. ⁹ Dibenni sipísìnàà nè diwéinnì kóo tǎnkù yiénwè kó diyìè pínnì, diyìè diērì ndi, mēyēi nhūtímù kpéí. Dí duó nkè bēe eé ditāteheù dihei dimōu miεke, ¹⁰ kēpīēké, dibenni sipísìnùmmù kperi yó ntúmè tidaatì fīmmù kperi ndi, dibanni diērì kó dibenni ndi, òmōu ténke bá ntú kudaakù n kó kētenkè kemōu miεke. De kó dibenni bá wè ò bo na kēwēte kétieke o tenkè, bá wè kòo kò nho cīētè. ¹¹ Dibenni sipísìnùmmù kperi yó ntú tidaatì fīmmù kperi ndi, dibanni diērì kó dibenni ndi. De benni di báá buotí di mē mbáá deite tididenti yoo dí tōū deite mbè tu dè fīnyī de bē, di í píe nde kó yēbē. ¹² De kó dibenni tú tidaatì fīmmù kperi ndi, de kó dibenni miεke di yó nyo ntidententi nti. Diwèi kó dibenni ndi, dí ndi wùó ndi cāā.

¹³ De kó dibenni miεke bá wè ò bo na kēwēte kétieke o tenkè. ¹⁴ Kòò mōu fiitinè o kou kētenkè yoo ò kè nhò donnè, ò báá ò ciité. ¹⁵ Wèe wénté dè kpaá yēbie nyèdè kè n kó dibennii tuōkení, de miεke nke ò yóó namè kóò kèété idíítí. ¹⁶ Kè yēbie nsū idíítí nsū kè yè mē nkēñnì idíítí nkēñnì, di yó nwéi yēbie mmamè mme ke kékíí idíítí. ¹⁷ Di miεke òmōu báá ciité otōu. Di nni ndé, mí ndi Yìè nKuyie mmí di te. ¹⁸ Dí mpī n tié nnè n kuó kéndōori dè yēmme, mēmmē di bo mbomè di tenkè ke bá nyīēkù dēmarè.

19 Kè di paa nní mpéí, kè di yo nke sànnè kémbo ke í yĩ̀èkù.

20 Kè dè yèmmè di bo beke dimáà ke dò: Ti né yó nyo mba kè ti í kùútí dibenni yíennì ke dèite tidiiti?

21 N yóó duó nkè n kó mesàà mmèè níí mbo di ìnkè, dibenni kuónnì mièke kè di paa nníí pèité, kè dè nsànnè di bo nyommè ke dò yèbie nyètāāti. 22 Kè di buotí dibenni níinnì mièke di bo na kényo ntidikotí kétuòkenè dibenni wéinnì di bo deitemè tipàntì.

A bo wēte kédontémè a tenkè

23 Òmòù báá fité ketenkè sáà kè dèe deè ke yé mī temè ketenkè kè di tú bepòòbè ke bo ke mièke.

24 Dihèi n yóó di duó ndì mièke, dí dóú nyikuó kòò mōu fité o tenkè wèe na kéwēte ké kè donté.

25 Kòò mōu tebite ta ticīti ke fité ketenkè, o cīètè kou wèè ò tākénè wèè dō nkéwēte ké kè donté.

26 Kòò mōu mē nyí mōke wèè ò tākénè ke bo na ké kè donté, kòò wēte ke pètè dīi yìè idiítì ò bo na kéwēte kédonté o tenkè. 27 Bèe kaà nyèbie nyèè pēētè kēbate yèè kpaá, kè tidaatì fīmmù benni né na kétuòkení kòò ò tēnnè, kéwēte kētieke o tenkè. 28 Kòò mē nyí pètè ò bo yietí mù wèè kè donté wè nkpaá ke kè te, ke baanè tidaatì fīmmù benni kòò né na kéwēte kécouté o tenkè.

29 Kòò mē nfité tēcīètè kè tē bo dihéi iduotí fité dī, dibenni dimáà kó mukūũ mmièke nke ò bo namè kéwēte ké tē donté. Kòò dó kéwēte ké tē donté dē báá pēētè dibenni nē ò tē fitémè. 30 Kè dè pēētè dibenni kòò í wēte ke tē donté, wèè tē donté wèè yó ntè te sáà nè o yaabío. Tē yìè mbáá wēte ké tē cōuté tidaatì fīmmù bo tuòkemè. 31 Kè sicēĩ sīi bo yehèkè iduotí í fité yè si yó ndònnè depaa ndòmmè mmè, tē yìè nníí

bo na kéwēte ké tè donté yoo wèe wēte ké tè cōuté tidaatì fīmmù bo tuòkemè.

³² Defiibe bié yó mmòkemu kuce ke níí na kéwēte kédonté be tenké yoo be cēĩ sǎǎ. ³³ Bá kè Defii botí kou wèe donténè o tebite tēcīfētè, kè tidaatì fīmmù benni tùòke wèe wēte ké tè duó nte yiè, ke yé be cēĩ sǎǎ tumè be kperè bè mòke dè Isidayeeribe tenké miéke. ³⁴ Bè báá fíté be pénnè be kó ketenkè yó nni nke sǎǎ.

Bè bo mpenni mēè botí be cīribè be kperè

³⁵ Kòò mǎù kou ta ticīti miéke ke ténke í mòke mùmamù, wè nhò tǎ, kòò me ntú opòò nwe ò nhò tǎ, kè dèe yie nkòò mbo o borè. ³⁶ Ò bá nwanti mucōntimu o ìnkè, ò bá nwanti ke bo ò di. Ò ndé mí ndi Yiè nKuyie nkè o kou nhò bonè. ³⁷ Kòò me nhò pènte idiítí nyi ò bá nwanti kécōnte, kè tidiiti me nni nti ò bá nwanti wèe ò tēñné kénósó. ³⁸ Mí ndi Yiè nKuyie mmù di te kè di dènnení Esibiti ke bo di duó nKannahǎǎ tenké, kè di ntú n kǎbe.

Onìti bo wēte kédontémè otǎù

³⁹ Kòò mǎù kou ta mesémmè miéke ke ténke í mòke mùmamù, ke fiténè omáà otǎù ke bo mpǐ nho tǎmmù, wèe ò donté ò báá ò pīnnè mudaatǎmmù. ⁴⁰ Wè nhò bonè ke dōnnè o kóo tǎnti yoo wèe kàtení ke ò taànè. Wè nhò pīnnè mutǎmmù kè tidaatì fīmmù benni yàa tuòkenní. ⁴¹ Kè tidaatì fīmmù benni tùòkení, wèe kò nwenwe nè o bí o kǎbe borè, kékari o yembè tenké. ⁴² Di tú n kó betǎmbè mbe, kè n di dènnení Esibiti, ò mǎù báá fíté omáà bè ǎǎ fítémè kudaakù. ⁴³ Di miéke ò mǎù báá dǎdǎnè otǎù muwērímù. Mí ndi Yiè nKuyie mmù di te, di nni ndé!

⁴⁴ Di kó tidaatì tinitidaatì nè tinitipòtì tì yóó yènní yehékè yèè di fité yènyè. Di yó mbe ndonnè tidaatì. ⁴⁵ Bepòðbè bèè kàtení ke di bonè, di bo na ke níí donté be bí, yoo bèè do di bonè nè dimònnì be yaàbí. Bè bè peíté di tenké nke dīi bè te. ⁴⁶ Di bo kú kényóu dè di bí ìi dò nké dè tùóté, kè bembè ntú di kó tidaatì sáà. Kè di tebií Isidayeeribe tóbè, òmòu báá dāðnè otòu muwērímú.

⁴⁷ Kè dè me ndò mbepòðbè yoo bèè kàtenè ke di bonè be kóò mòu màke idíítí, kè di tebite matè ò màkenè dibànnì, koò fíténè temáà yoo bá kè bepòðbè kó deyaàbire marè nde tè fíténè mè temáà. ⁴⁸ Di mākemu kuce ke bo na kēwēte kédonté di tebite, di kou mòu bo na kēwēte kédonté di tebite. ⁴⁹ O cice kou yoo o cice kou kó debire bo na kēwēte ké tè donté, yoo otòu mòu nè wè bè tu meyī mmēmáà kàbe. Kè dè í dò mmemme tè wēte ke pètè te kperè tè bo na kēwēte kédonté temáà. ⁵⁰ Kè tè yóó donté temáà bèe náké nè wèè do nké tè donté, kè bèe kaa nyebie nwèè do tè donté ò tè donté kè yèè bie sooté de cuokè, kè n kó dibenni né na kētuàkení. Bè yóó wénté yebie nyèè soké yènyè de cuokè ke né na kékéété idíítí bá dīi yìè kè idíítí mmànnè bè ò yietí ì otòntì diyìè dimáà mièke. ⁵¹ Kè de kó yebie nkpaá ke sū ò yóó yietí kè ì nsūmu kè di tebite na kēwēte kédonté temáà. ⁵² Kè yebie mme nyí kpaá sū kè tidaatì fīmmù benni tūàkení tè tó yietí kè dè mmànnè yebie mmàmè, kè tèe wēte kédonté temáà. ⁵³ Kè bè donté òmòu ò níí yó mbo wèè ò donté o cīètè ke dò nho tōntì nwe, di báá yie nkè bè nhò dāðrinè muwērímú. ⁵⁴ Kòò me nyí na ke bo wēte kédonté omáà de kó meborime medé mièke wè mbaa tidaatì fīmmù benni kényè wenwe nè o bí.

Kuyie nyɛmmè ku kɔɔɛ dò nké nku ntũ nkumáà

⁵⁵ Díndi Isidayɛɛribɛ di tú n kó betɔmbè mbɛ kè n di dènnɛní Esibiti kó ketenké. Mí ndi Yiè nkuyie mmĩ di dènnɛní Esibiti tenké. Mí ndi Yiè nkuyie mmĩ di te.

26

¹ Di báá dɔ̀d sitenkaanlì ké sɪ fíí kú yoo di fíí kú yɛsĩmpókè, di báá cíéké yɛtárè ké yè kèrí tifèntì kékíí kú kènninku yɛ ììkè. Mí ndi Yiè nkuyie mmĩ di te.

² Dí mpĩ n di nàké tì sionmpùsi ñnkè, kéndé n taummè tou. Mĩ tu di Yiè nkuyie.

Kuyie nyɛmmè nkù yóó bè dɔ̀d mɛsàà

³ Kè ti Yiè nkuyie mbéinnè Isidayɛɛribɛ kɛ dò: Kè di yie nké pĩ n tié nnè n tannò kɛ dɔ̀rɪ dè yɛmmè, ⁴ m bo ndi duò nfetaafè fɛ mɔ̀nnì, kè di paa nnì mpɛí mɛsàà nkè di tebiitì mpɛí mɛsàà. ⁵ Kè di níí mpuotì tidiitì kè di tebiitii binè, kè di ntɔũ di tebiitì kɛtuɔkɛnè di bo buɔtímè tidiitì, kè di nyo kɛ sànnè kɛmbo bá dɛmarè í di kɔ́nnè. ⁶ Kè n di duò ndiwèi diheì miɛkɛ, kè di níí nduó kɛ í yĩèkù. Kè n kei ndesĩnnè, mudoò ténke báá ānné di kó ketenké miɛkɛ. ⁷ Kè di mbetì di dootitɔ̀bè kɛ bè kòù. ⁸ Di miɛkɛ benitibè bènùmmù níí bo mbetì tekòùtè (100), kè tekòùtè mbetì tekɔ̀upíítè (10000) kè di bè kòù. ⁹ Kè nnì mbo difɔ̀nkó kédúó nkè di pié kè nnì mpĩ n di dɔ̀dnnè mɛ̀ taummè. ¹⁰ Kè di níí nyo ndi diitì kè tipàntì bi, kè di cũũnnì tikótì kéānnè tipàntì. ¹¹ Kè n cĩètè mbo di cuokè sáà, m báá di pè. ¹² M bo mbo di cuokè, kɛ di te kè di tú n kɔɔɛ. ¹³ Mí ndi Yiè nkuyie mmĩ di te, kɛ di dènnɛní Esibiti. Kè dè bo yie nkè di

ténke bá ntú tidaatì, ke touté di tuo Esibiti kabe do di tou nyè, ke dí na ke ò nkéí ke yíéo.

Kuyie nyè kù yóó bè poté tì yěiti

¹⁴ Kè ti Yiè nKuyie nní nsaké ku náaàntì kébéi nke dò: Kè di me nyete n kpeti ke í tũnnè n tannò yemou, ¹⁵ kè di bùtinné n kuó ke pè n tié, kè di tôte n di dònè mèn taummè, ke yóu ke ténke í dōori n tannò yemou yemmè. ¹⁶ Nte n yóó di dōmè:

M bo duó nkè meyei ndiemè di do ké di kũs nkè kukōntonnoo diékù di pĩ nkè di nuo nta, kè kuu ta kéncaá ndi kòntì. Kè di ní buotí tidiiti kè tì bi kè di dootitabèe katení kè tì dèite bá di báá cānte. ¹⁷ Kè n di bútinné kè di dootitabèe di na, di nũmbè bo di baaté kè di ncoti bá bè í di betì.

¹⁸ Bá nè memme kè di í kènté n kpeti, nní ndi saké tiyěiti di yei nkpeí, ¹⁹ kèpante di wěrimú mùu te kè di mōke tefentè, m bo duó nkè tiwetì kpenke timátì tēmè bá fetaafè bá nniu, kè ketenkèe kpenke kédontenè disōwũ. ²⁰ Kè di sánté kēdeu di wěrimú detetirè bá di paa mbá mpeí. Di paa nkó titebiiti me mbá mpeí.

²¹ Nè memme kè di yete, ke í dó ké n kénté, nní ndi saké tiyěiti di yei mmamè, ²² kéduó nkè desinnèe yènní kempĩ ndi bí, kédeè di wũs, desinnè bo di yaate kè di ce di do keri ìi kpánné.

²³ Kè n yĩ memme kè dè í sànnè ke bo di tié, kè dè dò ndi kpaá saké ke yetíí n kpeti. ²⁴ De mōnni mí mmómmuo mmũ né yóó cómmú ké di poté di yei nkpeí, ²⁵ kéduó nkè di dootitabèe ndi kòu, ke peiri di tôte mèn kpéi n di dònè mèn taummè. Kè di coké ke tii ndi ekè mieke, n duónko mutenkũũ nnè de kpéi nkè di ta di dootitabèe nōu mieke. ²⁶ Kè n di mōnte

mudiì, kè benitipòbè tēpíitè níí wēnné kēpūnné pēē dipēēfiunni dimáà miēke, ké wè ndi duó nkè dí ò berí kēwérí kécááké bá di bá nsànnè.

²⁷ Kè n yī memme kè di baa yete ke í dó ke n kénté, ²⁸ m miēke bo di yè, kè n di ānné tiyēiti di yei nkpeí, ²⁹ kè di nkòu di bí ke cáá, initidaai nè initipòì, ³⁰ ke può ndi bōwūṣtòrè nè di wūṣtòrè di tuò nyēē ìnkè tihúúntì ké di kuò kēwēnnénè di bókè m può nyè. ³¹ M miēke bo di yè kè n duó nkè di ekèe naá ntidobontì, kè m può ndi wūṣtòrè, n ténke bá nkémú tihúúntì di tuò ntì kó kufṣṣku. ³² Mīl mómumuò nyóó pònte di kó dihei kédéité, kè dèe di di dootitabè bèè kàriní ke bo mbo de kó dihei miēke. ³³ Kè n duó nkè mudoò tanní kè dí cíté, kè di cēī naá ntidobontì, kè di tenkèe dōúnko.

³⁴ Di bo mbo diì mōnnì di dootitabè tenkè miēke, de mōnnì di tenkè bo pété tēomputè di do kè mōnte tē, ³⁵ kè bo ompe, de mōnnì kéfóó ndi do kè yetenè tēè omputè di bo diì mōnnì ke miēke.

³⁶ Di kòbe bèè bo yenté di dootitabè ekè miēke m bo bè ānné kufṣwaá, mbá kè kufṣkpèrikù nampè bèe coké kéndò nhòmòu bè bèti nè disiè, kè bè ncokù ke duò bá òmòu í bè bèti. ³⁷ Bè bo ncokù ke bétírí betabè ke dò mbe dootitabè bè bèti, òmòu me nyí bè bèti. Di báá na kébaao di dootitabè. ³⁸ Kè di yei ndi dootitabè tenkè miēke, kè kè di di. ³⁹ Di miēke bèè bo yenté kémbo be dootitabè ekè miēke bè bo ncītiri, be mómumbe be yei nkpeí nnè be yembè kōme kpéí.

Kuyie nyóó daatenímè kù dā̀nnè Isidayeribe mēè taummè kpéí

⁴⁰ De mōnnì ndi Isidayeribe bèè yó nkpaá bè yóó bantémè bembe nè be yembè bè dā̀nmè meyei nké

mbo mēdítíbii nsipísìdè, kè denitipòrè mē nni nde ì mbo mēdítíbii ntēpíítè.

⁶ Dèè màkè otānkù òmàà kéntò kētuakè yēbie nyènùmmù, kè denitidaarè nde dē díítí mbo mēdítíbii mmènùmmù, kè denitipòrè nde mē mbo mētāāti.

⁷ Yēbie nsipísìkuò kó difōnkúò kàbè, kòo nitidòù nwe mēdítíbii ntēpíítè nē mmènùmmù, onitipòkù mēdítíbii ntēpíítè.

⁸ Kòò mǎù mē ncīte kē í dò nhò bo na kēyietí dē kó idíítí, bēè ò tǎní ikuó nìùtì borè, kè ikuó nìùtì kēété o díítí.

⁹ Kè dē mē ndò mbè m pǎ dē tu fēðfē nfē bē n feu fē, fē tu n kǎfē nfē. ¹⁰ Bè báá na kē fē cèètenè fetefē fēsààfē yoo fēsīnfē. Kè bē tùóté fēðfē bē m pǎ fē kē cèètenè fetefē idé ì naá n kpēyi nyi.

¹¹ Kè dē kó fēðfē mē ntu ikuó yete fēnfē, bēè fē benkē ikuó nìùtì bá kē fē tu fēè botí, ¹² kòo fē wènté kēyà fē wenni yoo fē sī nkékéété fē díítí. ¹³ Kè fē yìè nweè mē ndó kēwēte kē fē donté wēè yietí bē fē kēété ì díítí kénósó nkē ì mmànnè ò bo totémè ò mē nyietí ì yecúò yènùmmù kó òmàà.

¹⁴ Kòò mǎù m pǎ o cīètè, ikuó nìùtì tē wènté, kè tē wenni yoo tē sī, kòò yī mù, mummu. ¹⁵ Kè tē yìè nweè mē ndó kēwēte kē tē donté wēè yietí bē tē kēété ì díítí kénósó nkē ì mmànnè bē bo totémè ò yietí ì yecúò yènùmmù kó òmàà kē ntē te.

¹⁶ Kòò mǎù m pǎ ketenkè, dí wènté bē bo kē buotí tidibotí kè tì mmàmè, kēkéété kē díítí. Kè kè dò nkē

bo na kécɔuté tidibotì cìdóòbè sikɔusitàãti (300) kɛ díítí mbo mɛdíítíbii nsipísìnùmmù. ¹⁷ Kòò yó m pã dɛ kó kɛtenkè, kɛ sɔ tidaatì fīmmù benni bo kɛ díítí baa mmɛ mmà. ¹⁸ Kè tidaatì fīmmù benni mɛ mpɛɛté, kòò kè nni mpã, ikuó nìùtìi kaà nyɛbie nyèè kpáá kè tidaatì fīmmù benni tɛrìi tuɔkɛní kékéété kɛ díítí.

¹⁹ Kè kè yiè nwɛtɛ kɛ dó kè kè donté wèè yietí ikuó nìùtìi kékéété ìi díítí kénóó nkɛ ì mmànnè bè bo totémè o yietí ì yɛcúò yènùmmù kó òmáá kè kè tiekɛ.

²⁰ Kòò mɛ nyí kè donté o mómмуò nkòò kè fīténè otòu mɔ̀u dè dèemu. Ò ténkɛ báá na kékè donté. ²¹ Kè tidaatì fīmmù benni mɛ ntùòkɛ, wèè mɛ nkè donté wèè kè yóu, kè naá n kòkɛ nkɛ. Ikuó nìùbè bèè kè tiekɛ. Bè kè nni mpãmu.

²² Kòò mɔ̀u m pã kɛtenkè ò donté kè, kè dè í tú o yembè kòkɛ, ²³ ikuó nìùtìi wénté yɛbie nyèè kpáá kè tidaatì fīmmù bennii tuɔkɛní kékéété kɛ díítí wèè kè nni mpãá nkòò yietí kɛ díítí dɛ yiè, ì tu n kpɛyi nyi. ²⁴ Kè tidaatì fīmmù benni tùòkɛ wèè do kè te nè òmònni wèè wɛtɛ kékè cɔuté, o yembè kòkɛ nkɛ.

²⁵ Bè níi yóó tūnne idiítí ìi kékéété metaummè tou kpéi ì kó kukperíkù nku, kékéété dɛ kó idiítí. Dɛ kó idiítí kó fɛsámɔ̀pófè cɛ́ékù bo kádámmù tɛpíútɛ ntɛ.

Yɛpãrè yɛbotí yɛbotí

²⁶ Òmɔ̀u bá m pã o òfɛ pɛité fɛ meketimè kè fɛ tu fedaaɛ, fɛ diɛ nkɛ tú n kòfɛ nfɛ. Kòò nààfɛ nfɛ yoo o pièfɛ yoo o buɔtè. ²⁷ Kòò mɔ̀u m pã fɛòfɛ bè í n feu fɛ, bè bo na kɛwɛtɛ kékè fɛ donté kɛyietí fɛ díítí kénóó nkè dè mmànnè bè bo totémè o yietí ì yɛcúò yènùmmù

kó dìmáà. Kè fè yìè mē nyí dọ kẹwẹte ké fè donté bèe fè fité fè díítí.

²⁸ Kòò mọ̀u m pā dèmarè ke tú, ò dè nni mpāmu sǎǎ, bè báá na kẹwẹte ké dè donté yoo bèe dè fité. Kòò nìtì nwe yoo fèǎfè yoo o yembè o yóunè kèè tenkè, bè m pǎǎ ndèè kó dìmáà mebotí dè tu n kpere nde.

²⁹ Kòò nìtì nwe bè m pāmè bè báá na kẹwẹte kóò donté, bèe ò kùò.

Ti bo n duommè Kuyie nti mọke de kó dimàà kó depííndè

³⁰ Kè di dèite di paa nkó tidiitì nè di tebiiti dí dè berí kédèite dèè tu depííndè, dè tu n kpere nde. ³¹ Kòò mọ̀u dọ kẹwẹte kèdonté o kó depííndè kó dèmarè wèe yietí kénós nkè dè mmànnè bè bo totémè ò yietí ò yecúò yènnùmmù kó dìmáà. ³² Dèè kó dimàà tu iwũǎ, inààke nè ipe nè sibóó, fèè ǎfè níí tú fepíínfè fè tu nkɔfe nfe. ³³ Dí níí báá fè cèètenè fəsààfè yoo fəsĩnfè. Kòò mọ̀u fè cèète, fənfe nè ò cèètenè fè idé ò naá n kpèyi nyi, bè mē mbáá na kẹwẹte ké ò donté.

³⁴ Ti Yiè nKuyie ndo duó nyìi kuó nyi Məyiisi Sinaii tārì ìnkè Isidayeribe kpéí.

Bibiri Kuyie Nnààntì Pátíri
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16